



أنا
سيكرد

خالد أحمد

بطاقة الفهرسة

أحمد. خالد

أنا سيكرد/ خالد أحمد- الجيزة: دار فكرة

للنشر والتوزيع

تدمك 978-977-5122-93-3

رواية

رقم الايداع / 19586

الطبعة الاولى

٢٠٢١

جميع الحقوق محفوظة للناشر دار فكرة للنشر والتوزيع -

عضوية اتحاد الناشرين المصريين رقم -٧١٣-

جمهورية مصر العربية

٠٠٢٠١١١٤٤٤٤٣٥٤ / ٠٠٢٠١٢٨٢٤١٠٤٥٨

fekra.publishing@yahoo.com

فريق العمل

تأليف/ خالد أحمد

تنسيق وإخراج الأستاذ / أحمد عبد اللاه

غلاف الأستاذة / صابرين محمد

بريشة / مصطفى عبد الجواد

تقيق لغوي / اميرة نجم

إشراف عام الأستاذ / أيمن الصباح

إهداء
إلى الجميلة أمي،
وإلى المهذب دائماً أبي.

مقدمة

... (هأنذا يا أودين... ساحرة القبيلة وسيدتها....)....

(جئت كما أمرتني في أذني اليمنى....)....

(لك وحدك يا أودين يا ذا العين الواحدة .. يا من استحمت

ببحر النيران الزرقاء ولم يحترق شعرك)

(هاهو من اخترته سيغادرنا ولن يموت كما أمرت الريح أن

تهمس لي...)

(اقبله يا أودين ليستحم في بحور دماء فالهالا وأرجعه إلينا ثانيةً في

جسدٍ جديد ..)

(وزمان ومكان جديدين...)

(ليكتمل مجلس الحكمة ..)

(فاسمعي يا أودين.....)



انطلق صوت المذيع الشاب (عماد جميل) وهو يقدّم برنامج المسائي

...

ممسكاً بسيجارته التي امتلأ سقف (غرفة الهواء) بدخانها ...

" وووو فكروا معنا في أسئلتنا النهاردة لغاية أول متصل ما

يوصلنا "

" آخر مرة كدبت فيها على الولية مراتك كانت إمتي؟؟ وإنتي آخر

مرة كدبتي فيها على جوزك كانت إمتي؟؟؟... "

" آخر مرة كدبت أو كدبتي على مديرِك في الشغل؟؟ "

" بتكدبوا كثير ... ولا لما بتتنفقوا بس .. آه ... فيه ناس الكذب

عندها مزالاج ... زي الحشيش بالظبط .. ماتعرفش تعدي يوم

من غير ماتكذب ... !!!!"

" أحب أفكر حضراتكم الأسماء المستعارة ممنوعة ... "

يضحك ... "هاااه.. يعني هنجيبك هنجيبك .. نياهاهاها..

"!!!!

" بفكركم ... اتصلوا بينا على رقم المحطة أو ابعثولنا SMS على

نفس الرقم... واحنا هنرد عليكم ... "

" ونطلع فاصل مع الأغنية دي ونرجعلكم تاني " ... "

■ ■ خالد احمد

"أقولك إيه ..؟؟...?"

"أنت حمار ..؟؟....?"

"جرى إيه ياض ... ماخلاص اعتبرها زلة لسان ما
تقوليله حاجة يا نبيلة..."

نبيلة مهندسة الصوت ... " خلاص يا سيد معلش
وبعدين ماهو بيعمل أكثر من كده جت على دي يعني
.....؟؟؟..."

المخرج .. "ماشى ... بس حاول متمطش في حرف الواو ده كثير
..... إيه (ووووو) دي؟؟ دمها تقيل قوي .. هتقلب برخامة بعد
كده..."

"خلليك في حالك يابا ... الناس بتحب الحاجات دي ...
وخصوصًا البنات بيشوفوني ظريف كيوووووت
....أووووووبيبي..."

نبيلة تنظر إليه رافعةً حاجبيها ... قائلةً "كيوت إيه ياخى اتنيل
عليك ... دول لو شافوا نضارتك اللي عاملة زي غطا الحلة دي
هيرفعوا قضية على المحطة ... ده أنت بتغسل وشك لما بتقبض
ياض"

■ ■ أنا سيكرد

عماد ... " .. بت أنبيلة ... جرى إيه يا بت مالتيش دعوة
بالنضارة ... إيش فهمك إنتى ... يا معدومة السينس ... يا فقيرة
الإحساس ... هقولك إيه .. مش هتفهمنى ... فاقد الشيء لا يعطيه
يا .. يا ... يا عديمة السينس "

المخرج ... " ماشي يا عم السينس ... أهم حاجة بس محدش
يسترخمك ... ماتحربش بيت أبونا عشان عايز تستظرف "
عماد .. " ... قشطة يا بيه يالا بقى عشان هدخل هوا وفيه
اتصال أهو "

" ... ورجعنا لكم تاني ... ومعانا أول اتصال ... نقول ألوووو ... "
صوت فتاة .. " .. أستاذ عماد ... إزيك ؟ "
" الحمد لله ... مين معايا .. ؟ "

" .. أنا اسمى ملك .. " .. تقولها في رقة زائفة. عماد يهز رأسه رافعاً
يديه راقصاً يضحك العاملون من وراء الزجاج ... ينهرهم
المخرج ويلتفت لعماد مشيراً له بأن .. " إنجز وعيب وبلاش قلة
أدب .. " عماد يشير إليه " فكك مني يابا .. "

عماد محدثاً الفتاة .. " .. أوووو .. اسم جميل يا ملك .. عندك كام
سنة .. "

■ ■ خالد احمد

" أنا عندي ٢٢ سنة "

" طب يا ملك إحنا بتكلم النهاردة عن الأخطاء في حياتنا ... "

وعن الكذب .. كدبتني قبل كده يا ملك ؟؟ .. "

" آه ... أنا بكلمك عشان كده .. أنا كنت عايز آخذ رأيك في "

حاجة .. " وتقول (عايز) بصيغة المذكر من باب الدلع ... "

" ... أؤمري يا ملك ... "

" .. أنا مشكلتي بتبدأ من ٤ سنين .. في أولى جامعة ... حبيت "

زميلي وهو كمان حبني قوي .. ومش كنا بنستغنى عن بعض ... "

كل يوم كنت بقباله في الجامعة .. ونتكلم وناكل مع بعض .. كان "

كل حاجة في حياتي .. " .. وتقول (مش كنا) بدلاً من (ماكاناش) "

من باب المياصة ... "

عماد مخرجًا لسانه في الإستوديو ويضيق عينيه ... سيد ونبيلة "

يضحكان . " .. جميل .. جميل يا ملك .. كمي فين المشكلة ؟؟ "

" المشكلة إنه بعد ٤ سنين مش قدر يحوش ولا مليم عشان يتقدملي "

... وأنا بيجيلي عرسان كتير قوي .. الدكتور ... المهندس ... "

والموظف .. والـ..... "

■ ■ أنا سيكرد

"تمام يا ملك كل الناس نفسها تتجوزك وبعدين ..."
يطفيء السيجارة ... يهرش مناطق كثيرة في رأسه معلناً ملله من
ميوعتها

" المهم ... صارحت ماما بالموضوع وكان فيه مشكلتين ...
الأولانية إنه مفلس ... عالحديدة ... الثانية إنه لسة في سنة تانية ..
مش اتخرج لسة " وتقول (مش اتخرج) بدلاً من (ماتخرجش)
من باب (الدلع) اللغوي..!!!!!!

"نعم ... لحظة... مش قلتي إنك قابلتيه من ٤ سنين.. في الكلية .."
"آه ... يا عماد مانا جاية في الكلام أهو ... ما هو سقط في أول سنة
... وسقط برضه تاني سنة..."

عماد "... طب ما هو لو أبوكي عرف ... إنك في سنة رابعة و هو
في تانية لسة هيرفض طبعاً ..."

ملك ضاحكة من فتحة واحدة من أنفها كالعرسة .. " هي هي
هي هي ... لآ ... ماهو أنا كمان في سنة تانية ... بسقط برضوووو
... " .. وتمط شفيتها بشدة في كلمة (برضووو) ...

عماد ييصق أمامه بدون صوت .. وطاقم العمل من وراء الزجاج
ارتموا ضاحكين .. " طب ماهو مفيش مشكلة أهو يا ملك ...

■ ■ أنا سيكرد

" المهم ... الميكانيكي عايز منه ١٠٠٠٠ جنيه عشان يصلحها له
..."

" يصلحله إيه؟؟ ... "

" العربية ..!!!! "

" ياااااه يا بلاش ... طب مارحش الحرفيين ليه؟؟؟ ... تمام ...
كملي ... "

" .. المشكلة إني ماكنش ينفع أقف أتفرج عليه ... فا..آآآ.. "

" فأآيبييه...؟؟؟ " عماد يسأل وهو مبتسم وجاحظُ عينيه ناظرٌ
لطاقم العمل الذين كانوا على وشك وضع أجهزة التنفس من فرط
الضحك ...

" أخذت شوية من ذهب ماما ... شوية مش كله واديتهمله ..
و .. ومثلت كأن فيه حد دخل الشقة وسرقها وبابا اتصل بالبوليس

والموضوع قلب حوار ... ومش عارف أعمل إيه يا عماد...؟؟؟ "

عماد يسكت لثواني ... ثم قال .. " يعني إنتي وهو ساقطين كذا سنة
.... وبتسرقوا عربيات .. وذهب وبتخللي أبوكي يقدم بلاغ
كاذب .. وفي نفس الوقت حبيبك إنسان كيوت مش كده
؟؟؟ .. وإنتي دلوقتي (مش عارف) يعمل إبييه؟؟؟ ... "

"..آه.."

" طووووويب (أنت عايز) حاجة تاني يا ملوكتشى ...؟"

" إيه ده .. مش تقولي أعمل ايه ...؟"

"للأسف يا ملك أي حل هقدمهولك هيقى حل يندرج تحت

بند الـ severe punishment ..."

" ده اللي هوا إيه ؟؟؟.."

" .. لا ماتخديش في بالك ... فرصة سعيدة يا ملك ... ونطلع

فاصل مستمعينا الأعرء الأوفياء ونروح للهضبة وآخر أغنية.."

تبدأ الأغنية ... فيلثفت عماد موجهًا حديثه للمخرج .. " إيه يا عم

الهطل اللي على المساده ... هي ناقصة عبط ؟؟ .. ما تنقوا الناس

قبل ما يحدفوا الغباء بتاعهم ده ..."

المخرج "ضاحكًا" ... " يا عم أنا مالي أنا ... هو أنا هحقق معاهم

يعني قبل ما يكلموك ..."

بس شفت وشك لما بتسألك على معنى الكلمة الإنجليزي اللي

إنت قلتها .."

" .. يابا تلاقيها ساقطة إعدادية ... وعازرة تتجوز قال وتفتح

بيت .. عالم بجحة ... مستفزين ... قال إيه: سو كيوت ؟ ... كيوت

■ ■ أنا سيكرد

مين ياللي تنشكي في لسانك ومتعرفيش تتكلمي تاني ولا تعوجيه

على الناس دول لو إتجوزوا هيخلفوا عاهات !!.."

المخرج يضحك ويسأله ... " إلا إيه بقى معنى الكلمة اللي أنت

قلتها دي ... سفير مشمش دي ..؟"

" severe punishment يا جاهل ... يعني عقاب (بالغ

الشدة) ... "

"احترم نفسك يا ض ... أنا المخرج بتاعك ... هقععدك في بيتكم .."

" .. مخرج ومش عارف إنجليزي ... وبتقولوا الشغل في المحطة

هنا مافيهوش واسطة؟؟؟!!.."

" ... لا .. أعرف طبعاااا .. بس الحتة دي كنت غايب فيها ...

ماخذتهاش يعني .. نياهاهاهاهاااااى .."

"طب .. قولهم يبعثوا شاي ... فى كباية ... بلاش ماج .."

"..قشطة .. حاضر .. اتصال .. يلا .. يلا ... هوا ... هوااااااا

"

" وووووو معاكم عماد جميل تاني من إذاعة (هوانا واحد) ونقول

آلوووووو ... "

صوت عميق عبر السماعات .. " مساء الخيرات .. "

عماد يرفع حاجبيه من تأثير الصوت ... لم يكن عاليًا.. لكنه قوي

.. " مساء الخير يافندم ... أتشرف باسمك...؟؟؟"

نفس الصوت العميق القوي .. " برعي .. "

عماد يرفع حاجبيه ويضحك .. " برعي ؟؟ . "

" .. أي نعم ... أنا برعي ... "

عماد ينظر للمخرج نظرة الـ(إيه الليلة دي؟؟) ثم قال... "اسم ..

جميل ويقالنا كثير ماسمعنهوش يا أستاذ برعي ... تشرفنا ... قولي

بقي إيه مشكلتك؟؟ .. "

" لأ... اتصالي لا يتعلق بأي إشكال يُذكر...!!!"

" نعم؟؟؟ ... لا يتعلق؟؟؟ خالص يعنى ... البتة؟؟؟؟؟"

"البتة ... "

عماد بيتسم "أمال حضرتك بتتصل ليه...؟؟؟"

" هو اتصال بين شقيقين...هل يوجد ما يمنع؟؟؟"

عماد يضحك .. "لا يوجد ما يمنع يا سيدي ... "

ولكن لم استخدام الفصحى ...أهناك مشكلة في استخدام العامية

؟؟؟؟....."

" بالطبع هناك مشكلة...جمال البلاغة يا سيدي...!!!"

■ ■ أنا سيكرد

"طب ... ما علينا .. سؤالنا كان عن الكذب.... آآآآآآ.."

"تقصد الكذب ... بالذال ..."

"نعم ... نعم أقصد الكذب يا أبتاه حضرتك كذبت قبل

كده؟؟؟؟..."

" لا ... لم أكن لأكذب من قبل ... ولن أكذب طالما ترقرت دماء

عروق جسدى"

عماد يفتح فمه ... وعينه .. " ترقرت إيه يا باشا؟؟؟؟"

"دماء عروق جسدي يا أجهل بني جلدتك"

عماد لم يستوعب الإهانة ... " طيب أستاذ برعي ... سعيد

باستقبال مكالمتك ... بس إحنا مخصصين المكالمات لإجابات

أسئلتنا بس... وووو سوف أضطر أنهي المكالمة ... "

" تقصد لإنهاء المكالمة يا فتى ... يا لك من مضحك مستهتر...

تبدو كمن لا يجيد تحمل مسؤولية أفعاله ... "

عماد راجعًا بظهره للوراء .. ناظرًا السيد و نبيلة مشيرًا لهما لكي ينهي

...

" شرفتنا أستاذ برعي... ووووو نطلع للأغنية الجاية"

عماد يرمي السيارة ... قائلاً للمخرج " إيه ده بقى ؟؟ ... مين ده

مين الناس دول ... شفت برعي قاللي إيه ؟؟.."

نييلة .. " مين برعي ده يا عماد ؟؟ .. شكله يعرفك"

" وعرفتي منين إنه يعرفني ؟؟؟.."

" عشان قال إنك مستهتر وفاشل في تحمل مسؤولياتك ... يبقى

أكيد عارفك ... عشان أنت فعلاً مستهتر وفاشل في تحمل

مسؤولياتك..."

عماد ... " تصدقي إنك عيِّلة غلسة ... مستهتر مين ؟؟ ... ده شكله

مدرس لغة عربية بيطنطط بشوية الفصحى اللي فاكرهم .. آه ...

مدرس لغة عربية طالع على المعاش وعنده ٢٠٠ سنة وأول مرة

يتكلم في الموبايل ولا حاجة ... فين أم الشاي...؟؟... بسرعة

الأغنية هتخلص ... "

سيد ... " جايلك يا عم ... اصبر يا مستهتر ... يا مضحك ...

يللا اجهز ... هتدخل وتقول خبر وبعد كده اتصال ... "

" أوووك جاهز ... ادخل بينا .. "

المخرج ... " يللا ... هوووا.. "

"طب أسيبك أنا يا عماد كانوا شوية حلوين .."

عماد ... "إيه ده ليه؟؟ مانتى قاعدة يا حب ... لسة في وقت في البرنامج .."

حب .. "لأ .. عندي حاجات مهمة هعملها .. تصبح على خير ."

عماد .. "وانتى من أهله .. وانتى من أهل الخير .. ابقي اتصلي تاني .. لازم .. لازم .."

عماد يضع ذقنه على يده .. لحظات من الصمت .. نسي أن يذيع الفاصل .. المخرج يبدأ أغنية ما من تلقاء نفسه ..

"إنت يا بابا!!!...!!!"

عماد ينتفض على صوت المخرج .. "إيه .. إيه فيه إيه؟؟؟..إنت نمت ولا حاجة؟؟؟..لأ.. صحصح كده معايا .."

عماد .. "شفت الجمال .. شفت الحلاوة .. إيه ده .. ده اللي هيتجوزها ده ابن محظوظة .. وأمه بنت محظوظة .. وأولادها هيبقوا اولاد محظوظة .. سمعت ياض صوتها عامل إزاي...؟؟?"

سيد .. "آه... لا .. بصراحة صوتها حلو ... رقيق قوي ..."

عماد .. "حلو ... هو حلو بعقل ... مش زي ملك اللي قبلها ... حرامية الذهب ..."

■ ■ أنا سيكرد

نبيلة متضايقه... " لا حلو ولا حاجة ... دي بتسهوك بس مش
أكثر إنتم الرجالة بتحبوا السهوكه ..."
عماد ... مسترجعاً صوت الفتاة في ذهنه .. " يااه .. هي دي
السهوكه ؟؟؟ ... دي طلعت حلوة .. حلوة قوى .. حلوة
جداً... .."

المخرج ... "قشطة يا عم يالا ... إجهز عشان هنطلع بعد
دقيقة ... بس مش ملاحظ حاجة ؟؟؟..."
عماد "إيه ...؟"

سيد .. " كل اللي اتصلوا النهاردة عالم مش طبيعية اللي بتدلح
وفاشلة ... واللي طالع من فيلم عربي قديم وفاكر نفسه مدير مجمع
اللغة"

عماد .. " آه.. السيد (برعي) ..؟؟"

المخرج "آه ... وآخر واحدة (حب) دي .."

عماد متنهداً .. "آآآاه... (حب)... (حب)... يا حبيب قلبي ..."

المخرج .. "حلقة غريبة بصراحة"

"بقولك إيه ... هو أنا ينفع أروح ... عايز أروح ..."

■ ■ خالد احمد

" نعم يا حيلتها ... تروح فين إحنا لسة ماخلصناش نص

الوقت ... إنت عبيط يله ... "

" أصل بصراحة حواسي مدغدغة ... "

" حواسك حصلها إييه؟؟؟ ... "

"مدغدغة ... يعني معمولها مساج سوفت من ساعة المكالمة

الأخرانية....عايز أروح أحضن المخدة.....وأنااa

"ولا يا عماد أظبط ياض يلا... هوا... هووووااa



(٢)

في الطريق...

الثانية بعد منتصف الليل .. عماد سائراً وحده بشارع من شوارع
وسط البلد .. والمطر قد بدأ خفيفاً... يضع يديه في جيبي سترته
الجلدية ... شاردًا ومفكرًا بما مر به هذه الليلة المكالمات
.... خصوصًا آخر مكالمة والإحساس الذي سيطر عليه بعدها
... (حب) ... مستغربًا رد فعله ... عماد ليس بالمذيع الهاوي ... إنه
من أفضل الموهوبين في مجاله ومدرّب جيد لتفادي التأثير بمن
يجاورهم أو من يتلقّى اتصالاتهم متعجبًا لنفسه ولكنه ..
منتشياً.... فرحًا غير عابئ بزيادة حدة الأمطار ... بل و
" يا مطرة رخي رخي ... على قرعة بت أختي ... " ... بدأ يغني
فرحًا... متذكرًا صوت (حب)...

"... (حب) ... آآآآآه ... أوووووو ... (حب) ... " ... لا يهتم
بكونه وحيدًا في الشوارع المظلمة في هذه الساعة المتأخرة
ثم تذكر باقي المكالمات ...
"مين (برعي) ده؟؟؟... " ...

"تلاقيه أستاذ لغة عربية على المعاش من بتاع (أبشجحووون) ؟..
كبر ومبقاش قادر يلم فلوس من الدروس الخصوصية ... فبقى
يطنطط على المذيعين الغلابة اللي زيه " محدثاً نفسه المطر
يزداد المطر يزداد وملابسه أصبحت (منغغة) بالمياه ...
لكنه لا يريد الذهاب إلى المنزل ... لأنه ... سعيد ...

يريد أن يظل سائراً مفكراً في الجميلة (حب) ويتخيل شكلها
... بالتأكيد جميلة وكيف عرف ؟؟؟؟ من صوتها ...

" الصوت ميركيش إلا على شوب فراولة بالمانجا ولا مؤاخذة
أهي واحدة زي دي ... يتجوزها ... وكل يوم يلعب معاها لعبة
الضرب بالمخدرات ... نضربو بعض بالمخدرات ... "
وقف على الرصيف يشاهد فاترينة محل هدايا مقفول الصناديق
الحمراء ... الدباديب القلوب ... الزينة التي تلمع من وراء
الزجاج ...

(إيه ده ؟؟؟؟ ... حلوين قوي أنا ماكتتش باخد بالي من
الحاجات دي ليه ؟؟؟؟) ...

يتذكر "غادة" خطيبته الأولى .. لم يكن معه من النقود لشراء مثل
هذه الأشياء لها وكانت طوال الوقت تعطيه إحساساً أنه مقصر

■ ■ أنا سيكرد

وأنه بخيل وكان لا ييأس من أن يشرح لها أنه يدخر كل مليم
(أحمر) لكي يتزوجا سريعاً ...

(بس مفيش أهم من إنك تفرح حبيبتك...)

(يا حبيبتى ... ما هو لما نتجوز ونستقر هيبقى معايا فلوس
وهاجيلك اللي إنتى عايزاه....)

(لأ... أنت مش مهتم بيا ... مش تحب غادة أنت... ..)

(غادة مين؟؟؟)...

(أنا.... أنت مش بتهتم بغادة... أنا)

(طب ماتقولي: أنت مابتحنيش على طول ... لازم تتكلمي عن
نفسك بضمير الغائب...؟؟?)...

(شفت بتحاول تتوه الموضوع.....)

(يا غدغود يا حبيبتى ..آآ...)

(متقوليش غدغود دي تاني أنا مبحش الدلع ده ...)

(أمال أقولك إيه بس؟؟؟ أصل بصراحة غادة مالوش إلا الدلع ده
... !!)

(قولي جوجوو...)

(إيه علاقة جوجو بغادة ..)

■ ■ أنا سيكرد

رأسه وكتفيه قد غرقا ... يمد بصره ... لا يوجد أثر لأي عربة
يمكن أن يستقلها للبيت ...

إنه يعرف هذا الشارع جيداً هناك مقهى يظل مفتوحاً طوال
الأربع وعشرين ساعة ... إذن ليجلس فيه قليلاً حتى تهدأ
السيول...

المقهى مفتوح وملئ بالرواد .. الشارين ... المدخنين...
المازحين... الغاضبين... الضاحكين.... كلٌ في حاله... (أمال لو
كان في الصيف كان عمل إيه...!!!؟!!)... قالها لنفسه ..

يجلس في ركن دافئ ... رائحة النسكافيه مع دخان شيشة الفواكه
مع أصوات الشباب المازحين أراحه نفسياً....

يتنزع هاتفه المحمول من جيبه.... "فيسبوكه" ... يدخل إلى
صفحته على الفيسبوك....

"قشطة .. قشششششة وصل لـ ٢٠٠ ألف لايك ...".....

وهذا جيد جداً المذيع في الراديو... قليلون من يعرفون شكله ...
وهذه ميزة لمن يريد أن يصبح مشهوراً وفي نفس الوقت يمارس
حياته كشخصٍ عادي ... يتنزه كرجل عادي... ياكل (فول

■ ■ أنا سيكرد

"(نبيلة) عاملاي (لايك) على كل بوستاتي وده بمفهوم المجتمع بتاعنا علامة على الحب طبعًا معلش يا نبيلة ... مش فاضي للكلام ده دلوقتي..."

(الساعة كام؟؟) ... صوت خشن مفاجئ يقتحم طبلتي أذني عماد....

عماد يجيب دون أن ينظر (ثلاثة وعشرة ..)

(بالظبط ...؟؟) .. الصوت يسأل مرةً أخرى ..

عماد يهز رأسه .. (آه ..)

(هو أنت متعود تترد على الناس من غير ما تبصلهم ..؟؟) ...

عماد (يتنح) في الشاشة لعدة ثواني ... هو يعلم أن هناك من لا يحترمون خصوصية الآخرين .. معتقدين أن الآخرين رهن إشارتهم ... ويجب أن يعطوهم من الاهتمام ما يفوق

لكن هذا ليس بالوقت المناسب ...

(مش وقته يتكعبل في حد فيهم دلوقتي وحياة أمك ... كفاية كوليكنش الشخصيات الغريبة اللي قابلهم طول اليوم) محدثًا نفسه بالطبع ..

■ ■ خالدا احمد

... ياخذ نفسًا عميقًا ليستعد ويرد على متكلمه... ينظر إليه
و".... آآآآ... أووو... إيه ده؟؟؟"....

لسانه يتجمد... يرجع برأسه للوراء... الواقف أمامه هو....
بوسيدون!!!

أول اسم قفز لرأسه... بوسيدون.. إله البحر عند الإغريق..
يتحرك ليجلس أمامه....

رجل طويل... طوييييييل... حتى وهو جالس طويل.. عريض
... صدره وكتفيه مزدحمون بالعضلات.....

طويل الشعر وأصفره... وعينه زرقاوتان..

(هو بوسيدون.. هو ياخويا.....!!!) عماد يكلم نفسه...

شبيه "بوسيدون" ينظر لعماد.... عماد يتنحى و..

" إحم إحم .. أنا آسف كنت بس مركز في تليفوني ... مش
قصدي أي إساءة..."

" مفيش مشاكل..... متعملهاش تاني....."....

عماد يرفع حاجبيه..(أبو رخامتك...).. في سره طبعًا...

العملاق الإغريقي ينظر إليه ويقول... "أنا حيدر... اسمي حيدر

ابن نديم"

■ ■ أنا سيكرد

عماد سرًا ... (وأنا مال أمي ...) ... عماد جهراً ... " وأنا عماد ...
... عماد بن جميل .. " ...

(أحلى شاي باللبن للأستاذ ...) ...

صبي القهوة ينزل بكوب الشاي بالحليب على الطقطوقة كعادة
عمال المقاهي ... وورائه كوب المياه ... لتطير منه بعض المياه على
بنطال ابن عم "هركليز" ... الذي كان "بوسيدون" من دقيقة ...
لكن "عماد" قرّر أنه يشبه "هركليز" ... ينظر للصبي و عينيه
تطلق ما يشبه الحمم البركانية ...

الصبي .. "لأخذة يا خواجه ... ماخدتش بالي .. سوري سو
سو سو سوررري " ..

هركليز ينظر له .. لا يرد .. عماد ينظر للصبي .. ينظر للآخر
الجالس ... يظن للحظة أن عملاق القارة الأوروبية سيقوم ليعض
الصبي من رقبتة ... يريد أن يصرخ " اهرب يا ض ... هيعضك
من لباليك ... اهرب يا ض .. " ...

الصبي .. "هاه يا خواجه ... وات ضو يو ونط تو درينك؟؟ ... "

" أنا مش خواجه ...!!... " ...

"إيه ده ! طب ما أنت حلو أهو ... تشرب إيه يا شألشة؟؟ ... "

■ ■ خالد احمد

"هات عصير عنب"

"إيه عصير العنب ده .. مفيش ..."

"طب هات كباية حليب معيز ... باردة"

"معيز إيه يا باشمهندس ... مفيش الكلام ده ... فيه شاي .. شاي

باللبن ... بالنعناع ... نوسكافيه .. قهوة .. سحلب .. حلبة ...

كده يعنى ..."

"طب روح هات أي عصير"

الصبي يمشي مبتعداً ... عماد ناظرًا "لجيسون" الإغريقي الجالس

بجانبه الذي كان "هركليز" من دقيقة ... "عماد" يقرّر أنه يشبه

"جيسون" ... يفكر جدياً بشرب الشاي مرةً واحدة ... يحاسب ...

يجري على بيته ... بدون الالتفات للوراء ...

(رعاع ...)

يصرخ "حيدر" ينتفض "عماد" ..

"لو كان بإيدي .. كنت ربطهم لسهوة جوادي ... وسحبته فوق

المروج لغاية آخر العالم .."

"شكرًا ... هو النهاردة عيد المجانين .. اليوم الرسمي للاحتفال

باهبل .. عماد لنفسه ...

■ ■ أنا سيكرد

(ولا إيه رأيك؟؟ ..).. زيوس يسأل عماد
"آه طبعًا... اسحبه فوق المروج وتحت المروج كمان لو عندك وقت
يعني إنهم بعض الرعاع ... الرعاع ولاد الرعاع العرة في
نفسهم كده"

"هاه هاه هاه هاه... .." هر كليز يضحك ورافعًا رأسه للسقف ..
ومغمضًا عينيه ..

"ظريف... ظريف جدًا... بس ده ميمنعش إنه لسه هيتعاقب"
"هو مين...؟؟ .." عماد يسأل
"عامل القهوة الرقيق"

(الرقيق...؟؟...).. عماد يسأله وهو يسأل نفسه هل يتظاهر إنه يريد
دخول الحمام وينسحب للخارج ... أم يقوم بالجري مباشرة
بوسيدون يهب واقفًا فجأة ... عماد يرجع للوراء ... ما هذا؟؟؟
...طوله أكثر من مترين ... يسير ليصل (البوفيه) في خطوات
واسعة ... يقف أمامه الصبي وراء البوفيه ... ينظر للعملاق
الإغريقي ...

"اؤمرني يا جوني اجييلك وان آبل ستوون ... حجر تفاح
يعني؟؟؟ .."

وهووووبا في اللحظة التي بعدها وجد الصبي نفسه مشدودًا من
ملابسه ...

هووووبا مرفوعًا من فوق البوفيه ...

هووووبا ملقيًا خارج المقهى ...

هووووبا متمرغًا على الأرض بفعل المطر والوحل ...

و برافووووووووو ... كل هذا دون أن يقول حتى (آى ...)

واحدة ... لم يملك الوقت لهذا ... صاحب المقهى يقوم من كرسية

"إيه يا اخينا أنت مجنوو...؟..."

لم يكمل كلمة (مجنون) وبنفس قوة ذات الهووووبا الأولى يلحق

بصبيه ... رواد القهوة بدأوا في التحرك العشوائي لرد فعل للشجرة

الآدمية الهائجة ... بعضهم خرجوا مندفعين ... و البعض خرجوا

قافزين ... وقليلو الحظ خرجوا زاحفين مولولين ... ومنهم

"عماد" المذهول ... والباقي منهم حاول ... وهنا نقول حاول ...

حاول الهجوم على هركليز .. وللأسف النتيجة أنهم افترشوا

بجانب الصبي وصاحب المقهى .. بنفس الترتيب ... هذا مع

بعض الصراخ الممتزج بعبارات الغزل القتالية التي تشتهر بها

مشاجرات مقاهينا ...

■ ■ أنا سيكرد

(...خطيبته الثانية كانت دائماً بتقوله كده... كانت دائماً تسرع صوتها وهي بتنفخ دخان الشيشة مع شبه خنف وتقوله .. (أنت فقريا عمااد... كل أصحابك freaks... نياهاهاهاها) ... كانت مستفزة وعندها سينس عبط ملحوظ دائماً كان بيستفزه)

"قال حيدر بن نديم قال ... ده أنت حيدر بن كلب ... ".... قالها لنفسه ..

هدأ الصراخ.... اختفى "حيدر".... لا صوت إلا من نهضة صاحب المقهى

عماد يغلق جاكته ... يضع يديه في جيوبه ... يقرر الذهاب لمنزلهم

"مين "حيدر" ده ؟؟؟ ..."

"مين "برعي" ده ؟؟؟"

"مين "حب" دي ؟؟؟ و هتيجي إمتى بقى"

"مين دول ؟؟؟ ..."

"خراب بيتك يا "ملك" لبيت حبيبك الأهبل...!!!..."



(٣) إوعى الحلم ..

عماد يفتح باب شقته... حيث الدفء .. حيث الدش الساخن ..
حيث الفراش ... حيث شطائر البلوبيف والشاي بالحليب ...
حيث هو فقط ...

يضئ النور يرمي جسده على الأريكة الحبيبة .. ينظر للسقف
...

(هي "ملك" هي السبب ... لو ماكنتش اتكلمت بحكايتها الفقر
دي ... ماكنتش حاجة حصلت ..!!..) يكلم نفسه .. غير قادر على
النهوض .. يفكر في النوم مكانه .. لكن ملاسه غارقة في المياه
يشرد ذهنه لدقائق

فيم يفكر...؟؟؟ يفكر في حب وفي صوت حب صوت
حب الناعم .. وكيف سيلعب معها (يضربوا بعض بالمخدرات) ...
ثم من حيث لا يدري قفزت إلى ذهنه مقارنة غريبة بين صوتها
وصوت نبيلة التي وبلا شك تحمل بعض المشاعر التي يختار
أن يتجاهلها ..

■ ■ أنا سيكرد

(يعني هو صوت البت نبيلة حلو ... يعني مغشلق شوية من كتر
الزعيق في الإنتاج بس شغال....) ... محدثاً نفسه ...
ينهض ليمارس طقوس عودته للمنزل ..
دش دافئ ...

كوب شاي بالحليب ..

شطائر بلوبيف بالطحينة ...

يقوم بضبط الراديو على إذاعة القرآن الكريم

وفي نفس الوقت يفتح التلفزيون لمشاهدة مباراة من الدوري
الإنجليزي بشرط أن يلعب بها "محمد صلاح" ... لو أن "أبو
صلاح" لا يلعب فسيشاهد شيئاً آخر.....

يلف نفسه بالبطانية ويجلس متربّعاً على أريكته صديقه الوفية ...
يبدأ في افتراس أول ساندوتش ... يحاول نسيان ما حدث ... هو لا
يعلم أساساً إذا كان ما حدث صدفة أم هناك عامل مشترك .. "ولا
الناس هي اللي صواميل نخها فك ..؟؟!!!" ...

(وهاهو الفرعون المصري صلاح يحرز هدف التعادل ...
برافووو صلاح ...)

عماد ينتهي من نصف دسته الساندوتشات وبلغ معهم "ماج" الشاي بالحليب وعيناه بدأتا في الانسحاب من عالم اليقظة (كم أنت رائع يا ابن النيل ...)

يريد أن ينالنا م.....م وأجهزة الوعي لديه بدأت في عملية shutdown....

يلف نفسه بالبطانية أكثر فأكثر... يحاول فتح عينيه ليتابع أي شيء من المباراة...

لا يستطيع ... كما كانت تجربته جدته (النوم سلطان ..) لا ينسى قبل أن يفر منه آخر خيوط وعيه .. (خرراب بيتك يا يا ملك لبيت حبيك الكيو هو هو ووت ...!!)..

ينا.....م..... ويحلم

السما حمراء لا يوجد أي شيء حوله..... هو والسما فقط خائف ... لكنه يعلم أنه في حلم وسيستيقظ قريباً... هكذا يأمل ... لا وجود لأي شيء حوله... لا هناك شيء ما هناك شجرة شجرة كبيرة مليئة بالفروع ... شجرة عجوز.... شاحنة بعيدة يتحرك لا إرادياً ناحيتها.... لا .. بل الشجرة هي التي تتحرك تجاهه تقترب تقترب أكثر... عماد خائف

■ ■ أنا سيكرد

.... لكنه يعرف أنه في حلم وسيصحو ومع ذلك يريد أن
يجري يغادر... لكن إلى أين ... يدور بجسده ليجري لا
يستطيع ... هناك من يمسكه الشجرة؟؟؟ لا لا لا لا... إنها
يد رقيقة ... "يد حنية" ينظر وراءه ... أوووووووووو
.... ما هذا الجمال؟ شعرها أصفر لا... ذهبي لامع
وناعم ... وتلبس طوق ذهبي جميل على رأسها ... عيناها
زرقاوتان و... واسعتان

(إنتى ... إنتى حب..؟؟ مش كده؟؟ ..) كيف عرف أنها حب
... لأن هذا حلمه ... هو يعلم من هذه ...
صوت كصوت غناء العصافير الصغيرة (أيوة ... أنا حب ...
أنت رايح فين ..؟؟)..

(أنا مش رايح في حته ... أنا هبات هنا أنا هفضل معاكي
....) ... للأسف هو يعلم أنه في حلم وسيصحو..
تضحك (طب حاسب لبابا يشوفك ...).
عماد ... (طب ما يشوفني يا لهوي ... يانس ويشرف ...).
تضحك ثانية برقة مياه الينابيع .. (لا بلاش ... أصل بابا عصبي
قوي ...).

(بابا ... هو فين بابا ؟؟؟ أنا عايز بابا ... إدوني بابا يا بابا..... أبا الحالاج.....) ... كماشة تمسكه من كتفه ... يدبر وجهه بفرع ليرى من (قفشه) كالمخبرين ليجد نفس العينين الغبيتين ... العينين القويتين... .. من ؟؟ ... هركليز ... بوسيدون جيسون ... الحيوان "حيدر" ... (إيه اللي جابك "يا جدراسيل" ...؟؟؟...) ... (إيه ده ... هو ده بابا ؟؟؟ "حيدر" البغل ده بيقا أبو المهلبية دي؟؟؟ !!).... (إيه اللي جابك "يا جدراسيل" ...؟؟؟...) ... (إيه "قوة الغسيل دي" إنت بتتكلم عن إيه يا حاج ؟؟...) ... (إنت غريب وهفضل في مكانك غريب ارجع لمكانك الأول ..) .. (حاضر... أوك ... هرجع ... بس فين بقى ..؟؟) .. (ارجع لمكانك الأول ...) .. (حاضر ... تحت أمرك يابو "حب" ... يابو الغالية ... بس إنت قوللي أرجع فين وأنا أرجع على طول ...) .. (افتكروا إنت مين ...) ..

(٤)

العمالقة

إنها المعادي ... المعادي الجميلة الهادئة ...
ملتقى الأدباء وصفوة المفكرين ...
المكان الوحيد الذي تشعر أنه حديقة كبيرة مفتوحة على بعضها
بعضًا ...

فيلا قديمة في شارع من شوارع المعادي مليئة بالأشجار ...
الفيلا من دور واحد فقط ... مبنية على الطراز الإنجليزي القديم
... عمرها على الأقل ١٢٠ سنة
تدخل الفيلا تسمع موسيقى وترية غربية هادئة
الإضاءة خفيفة قادمة من اللامكان
الطرفة طويلة ومليئة بالصور ذات الأطر المذهبة القديمة لبشر
عاشوا قديمًا
يبدو من ملابسهم أنهم كانوا من الأجداد وليسوا بمصريين
... ولا بعرب ...

فالأمر لا يحتاج لمسيو "عاطف" الكوافير جي خبير التجميل لتعرف
أن العيون الزرقاء والبشرة البيضاء ليستا من الملامح العربية ..

■ ■ أنا سيكرد

إنه جو الأفلام القديمة .. تشعر أن هناك فارس بدرعه المعدني سيخرج لينازلك على حبيبتك "الليدي عواطف".... ثم يطعنك وهو يقهقه في كبرياء وسخرية .. أو أن الكونت جاك الأعور سيخرج موبخاً لخادمه لأنه نسى تلميع مقبض الباب بالبليدج...!!!..

تتوسط المكان حجرة مكتب كبيرة .. بمكتبة عملاقة بحجم سور الأزبكية كله.. بها سجاد كبير مليئاً بالزخارف ورسوم ودببة وأسود يتعاركون مع بعضهم بعضاً... ثريا عملاقة تدلّ من السقف من القرن السابع قبل الميلادي .. وما زالت تعمل !!!... مدفأة نار... وما زالت تعمل... (شوف إزاي يا جدع !! في ٢٠١٨ ولسة فيه دفايات نار وبمدخنة ..).

وبجانها كرسي هزاز ... ذو خشب لامع
كرسي هزاز يتحرك للأمام ثم عائداً للوراء ... (زى يى يى
... زى يى يى)

يجلس عليه عملاق ما... وكلمة (عملاق) ليست مجازاً ... مقصودة حرفياً .. هذا طبعاً غير (حيدر) العملاق الأول ... (المتهور الي دغدغ القهوة) وماذا يبدو؟؟ لنكن أكثر تفصيلاً

... كهل ... عملاق ... ذهبي الشعر ... ناعم الشعر ... طويل الشعر ... طويل اللحية ... ذو عضلات مفتولة ... ذو هيبة شديدة لا تخطئها العين

كان جالسًا ومسترخيًا في كرسيه. (زى يى ء ... زى يى ء)
..ناظرًا أمامه .. إلى صف الواقفين أمامه ...

الخمس أفراد الواقفين أمامه أربعة من الرجال وامرأة واحدة وللاختصار كانوا جميعهم نفس لنوع ..(نفس الكتالوج) ... شعر أصفر دهبي ... ناعم ..(سايح ونايح) ... عيون زرقاء ... طويلوا القامة بشكل يخيف أساطير إغريقية تقف بجانب بعضها لبعض ... وبينهم يقف "حيدر" ..

الرجل ينظر لهم ... مبتسمًا ومرخيًا عينيه ... وممسكًا كأسًا في يده ...
..(بالتأكيد ليس بعصير تفاح ..)

والكرسي يهتز ... (زى يى ء ... زى يى يى ء)
والصف أمامه ينظر أرضًا للأسفل ... كالطلبة في مدرستهم بعد نسيانهم لعمل الواجب المنزلي

والكرسي يهتز... (زى يى ء ... زى يى يى ء)
(إيه يا سادة الأخبار إيه ..؟؟) ..

قالها بصوت قوي ... هادئ ... رخيم!!!
لم يرد أحد ... ينظرون للأرض ... يرفع الكأس مرة واحدة على
فمه ... يشرب كل ما فيه ...

(طب قوللي إنت يا حيدر ... عملت إيه ...؟؟)
"حيدر" يجيب من غير أن يرفع رأسه ... (مولاي ... أنا.. أنا
قابله .. وابتديت فعلاً آآآ...أأأأأأأأأأ...) لا يكمل ..
(توء توء توء ... لا يا لايا حيدر إمسك نفسك أمال ...
مالك فيه إيه؟؟...)

(مفيش حاجة .. أنا ... أنا كويس يا مولاي ..)
(طيب ... قوللي .. قابله ... وإيه...؟؟)
(مولاي ... أنا... أنا...)
(إنت إيبويه ...؟؟)

حيدر صوته يهرب منه مثل البنت الصغيرة الي أمسكتها والدتها
بعد ما كسرت (ماج الشاي باللبن) ... لتتخيل مع .. عملاق قام
بكسر وتحطيم مقهى بوسط البلد... وافزع مايقرب من ٢٠ رجلاً
(رجالة حلوة بشنبات)... ثم بعد كل هذا يخاف وصوته يرتعد من
أحد ما ... فبال تأكيد هذا الـ(أحد ما)... غير طبيعي بل هو
أحد خارق

(ممممم... حيدر صدقني مش هسمعك طول ما مابتكلمش
...؟؟؟ وأكيد مش هفهمك لو ماسمعتكش...!!!...)

حيدر: (مولاي ... المشكلة إن حصل مشاكل خارجة عن إرادتي
...واضطريت اشتبك مع مدنيين ..و....)

(توء توء توء توء توء توء... حيدر ... حيدر هتكذب على
سيدك برضه؟؟...)

حيدر انتهى...كتفاه أصبحا في مستوى أقل من المستوى الطبيعي
.... رأسه تتجه رويداً لتمكث تحت رجلي العملاق وفتح فمه
وقال ..:

"أأأأ...أأوووو...أأبيبي.... لأ ... ماهو"
(ماهو إيه؟؟.....)

العملاق ينتفض قائماً من كرسیه أكثر طولاً وعرضاً منهم
جميعاً ... ينكمشون ... لا يملكون الجرأة للنظر له ...
(مش قادر تنسى أيام بلطجة أجدادك ...
أنت لسة فاكر نفسك في "تروندهايم"
بعثت ٥ للمستشفى ومكسر قهوة باللي فيها ...
و بعد ده كله كشفت طبيعتك الغبية قدام عماد ... يا غبي ..)

■ ■ أنا سيكرد

حيدر... "أطلب..أطلب الإذن للعودة للوطن.."...

(مرفوض.....!!...)

العملاق يبصله ويضع يده على كتفه (خروجك من العالم ده هيكون بطريقتين ...

لأما تحتفل بالانتصار مع إخوانك ...لأما هيزعلوا عليك وتبقى ذكرى ليهم ..)...

"حيدر" ... لا يجد ما يقوله يغمض عينيه مستسلماً

العملاق يترك "حيدر" ويتجه للتالي في الصف ... أنثى طويلة ..

جميلة... شقراء ... من اللي يقولوا عليها هنا (لهطة القشطة)..

(وإنتى يا "حب" متقوليليش؟؟ استنى ... كلمتيه على

تليفون البرنامج بتاعه ... صح؟؟...)

حب تنظر إليه في فخر .. (أيوة يا مولاي ... كلمته وتواصلت

معاه.... وأحب اطمنك مش هينساني وبقي خاتم في صباعي

عشان آآآآ...)

العملاق يقاطعها ..(طبعا ... طبعا...عشان رميتي في صوتك

تعويذة الحب ... مش كده؟؟؟...)

حب تصمت برهة... بدأت في الشعور أن هناك خطأ ما (تمام

يا مولاي ... وأنا كنت بنفذ أوامرك بالحرف..)

غبية....كلكم أغبياء أنا قلتك تكلميه لوحده ... هوووو
لووووحده... هوووو لووووحده... إنتى كلمتيه على الهوا.... يعنى
تعويذتك سمعها ٢٠ ألف شخص مفكرتيش إنهم كلهم
يقعوا في غرام صوتك .. ده كان راديو عام ... مش مكالمة بين
واحد وخطيبته ..).

"حب" تنظر للأرض ... وقد انتبعت لحجم الكارثة الغبية ...
كيف لم تنتبه؟

(مشكلتكم إنكم متكبرين مناخيركم لفوق ... عايشين في
أوهام ماضي الجبارة ناسيين إنها خلاص ... أيام وراحت
لحالها ... اللي زيكم دلوقتي مدفونين تحت الجبال ... أو متحنطين
في المتاحف العيال الصغيرة بيتصوروا جنبهم مش فاهمين إن
فيه جبارة تانيين مستنيين يعرفوا مكانكم عشان يمسحوكم من
على وش الدنيا ... يحرقوكم أحياء ... يقطعوكم تحت.....).

(وإنت يا "منصور" ... خلاص ... مش قادر على نفسك ...
الشهامة وحس البطولة وأكلك قوي داير تمسكلي في المجرمين
... وتكتفهملي بحبال دهب)

"منصور" نافخاً صدره المكس بالعضلات (أيوه ...
مولاي ده واجبي ...).

■ ■ أنا سيكرد

(يا أخي اتنيل يا غبى يا مغرور... يا كوم عضلات من
غير مخ فيه حد بيضرب حد دلوقتي ويكتفه بحبال ذهب
.... ده إنت لو صورت نفسك جنبهم مش هتلفت الانتباه كده
..... وإنت يا سي "برعي" بص بقا إنت حالة نادرة)
"برعي" ... (لماذا...إني على الدرب و لم أتزحزح عنه ...).
العملاق... (أيوة ... أيوة ... أنا هخلليك تتزحزح من الدنيا كلها
.... بقولك إيه يا صندوق الأدب والبلاغة ... عارف إحنا فين
... (....؟...)

(نعم... بالطبع اعرف.... نحن في "مصر" ...).
(.. يا حبيبي ... ومادام حضرتك عارف كده ما أحدثش بالك
أن الناس بتتكلم "العامية" ...).
(لقد انتهت لهذا ... ولكني أفضل أن أرمي بالسهام الحارة
لتسكن سويداء قلبي المكلم قبل أن أحذو حذوهم).
العملاق نظر إليه فاعرًا فمه... (لا... لا ... أنت أكيد مش طبيعي
.... واضح إن عملية الانتقال أثرت على تلافيف مخك وجابتلك
تخلف عقلي ... وبقيت أهبل...)،
(أرفض ما ينعتني به مولاي).

(ما ينعتك به مولاك؟؟؟... ده أنت مولاك هينعتك وينعت اللي خلفوك.... قوللى يا "برعي".... إلا لما كنت بتتكلم مع حد بالطريقة ال..الجميلة دي... كانوا بيعملوا إيه؟؟؟)...

(..لا أدري مولاي... البعض كان ينظر إليّ ويضحك... أما البعض الآخر فقد كان يشير إلى رأسه بيديه في حركة دائرية..... أعتقد أنها إشارة للجنون.....)

(تعتقد... لا.. هي إشارة الجنون فعلاً.... أنا عايزك تكون متأكد يا حبيبي.... بص يا "برعي".... حاجة من الاثنين.... لتتكلم زينا.... لهنوقف نشاطك تاني..... و؟ أنت عارف إيه اللي مستنيك هناك...)

بوجه متلون.. "برعي"....(حسنًا..آآآآ... قصدي حاضر.... حاضر... سأحاو...هحاول.....)

العملاق مطيلاً النظر إلى باقي الواقفين ثم يرفع رأسه ناظرًا إلى السقف.....هو يعرفهم جيداً.... إنهم سلالة منتقاه لجيل قد انتهى منذ مئات السنين.... يمتازون بالذكاء الشديد... لا يعيهم إلا غرورهم المستفز.... إنهم الصفوة أو الElite..

■ ■ أنا سيكرد

يدير ظهره ... ويجلس على كرسيه ثانيةً (إحنا ضيعنا وقت

كبيير قوى

ومش هنشغل بشكل فردي تاني

هنتحرك المرة دي ضمن مجموعة

والمرة دي أنا اللي هتقود المجموعة

الفريق التاني مش هيسكت ...

وأعتقد بل ومتأكد إنهم سابقينا بخطوات ...

عشان هما منظمين ... وأسرع منا

مفيش قدامنا غير ليلتين بس

لو ماقدرناش ندخل "عماد" الدائرة معنا يبقى ..

نقتله...!!...!!..!!..!!



(٥) سيکرد

الآن لنترك (عماد) بمشاكله ... ونترك جماعة المعادي بمخططاتهم ... ولنرجع بالزمن للوراء ... للقرن الثالث الميلادي... أي منذ تسعة عشر قرنًا ... ولنذهب بعيدًا ... إلى ما وراء جبال أوروبا الشمالية حيث البرودة التي تجمد أنفاس المحاربين داخل صدورهم واللون الأبيض الذي يصبح حقيقة لا مفر منها في حياة من عاشوا في هذه الحضارة البدائية والوثنية هي أساس كل شيء الحياة هنا عبارة عن أرض جليدية بيضاء ممتدة ... أحجار رمادية كثيفة ... ومعبود لكل قبيلة ... الرجال مهووسون بالقتال والخمر والنساء تجدهم دائمًا واجمين بالنهار شديدي الجد في العمل صاخبين في المساء وعلى استعدادٍ لفعل كل الموبقات من أثر الخمر

إلا اليوم... فهناك مناسبة شديدة الأهمية ... فقد اجتمع كل أهل القبيلة ... صامتون واجمون رجالًا ... نساءً وأطفالًا وجوه رمادية شاحبة بسبب البرودة

■ ■ أنا سيكرد

يقفون في دائرة كبيرة .. حول مجموعة أخرى صغيرة من ست
أفراد من الرجال والنساء يتوسطهم جسد العاري ممدد على لوح
خشبيّ رجل عملاق غير مقيد واعٍ ومستسلم بل وراضٍ
عما يفعلوه وعما يعلم ما سوف يفعلوه

تشق الجموع امرأة عجوز منحنية الظهر ... حافية القدمين
تمشي بصعوبة تتجه إلى الجسد الممدد ... وفي عينيها نظرة عطف
وحب شديدين

ومن حلوق الجموع ارتفعت المهمة المنتظمة ... (سيكرد
سيكرد سيكرد)

العجوز تنظر إليهم يرتفع صوتها على صوتهم ... (هأنذا يا
أودين ساحرة القبيلة وسيدتها)
(سيكرد سيكرد سيكرد)

تكمل العجوز (جئت كما أمرتني في أذني اليمنى)
(سيكرد سيكرد سيكرد)

(لك وحدك يا أودين سيغادرنا سيكرد ولن يموت كما أمرت
الرياح أن تهمس لي ...)

(سيكرد سيكرد سيكرد)

■ ■ خالد احمد

(اقبله يا أودين يا ذا العين الواحدة ليستحم في بحور دماء
"فالها لا" وأرجعه إلينا ثانيةً في جسدٍ جديد ..)...

(سيكرد سيكرد سيكرد)....

وارتفع صوتها أكثر .. (وزمان ومكان جديدين ...)

(سيكرد سيكرد سيكرد)....

(ليكتمل مجلس الحكمة ..) ... قالتها واستلت خنجر عملاق لا

يتناسب مع ضآلتها ثم صرخت ..

(أوووووووودين).... لتنهال على صدر الرجل ... المبتسم

.... المنتظر

تصمت الأصوات المهمة وتتدفق الدماء دماء

(سيكرد)....



بص الواد اللي هناك ده خلاص ده دخل في مرحلة بيات
شتوي...."

" طب بس بس وطبي صوتك ال trainer هيسمعك
...."

" ههههههع... طرينار؟؟.... طرينار مين ياض ... تلاقيه هيقول
نفس اللي قاله المرة اللي فاتت بلا نيلة ... قال طرينار قال"
... نيلة... " .. لا النهاردة مختلف ... هو أنا مش فاهمة حاجة ... بس
شكله كلام متكلف البت اللي قدام عمالة تهز في دماغها
....."

عماد ... " يا بنتي دي بت عبيطة يا.... تلاقيها معجبة بيه وعاملة
منبهة جاية تدور على عريس ..."
" فيه حاجة يا مستر عماد...!!!!!!..."

صوت مدرب التنمية البشرية عماد يفرد ظهره بعد ما كان
تقريباً نائماً على الكرسي و .. " احم ... لا يا باشا ... مفيش
حاجة كله زي الفل.....!!!"

"أمال حضرتك كنت بتتكلم ليه...؟؟؟... لو المحاضرة مش
عاجباك قولي ونتاجش في اللي مش عاجبك ..."

"طب لحظة واحدة...". عماد ينخفض برأسه لما تحت الكرسي
.... يبحث عن شيء ما يمد يده يبحث بها ... يغطس وينزل
بجسمه كله... لا يجد الشيء المنشود ...
سيد... "بتدور على إيه يا ض ..؟..."
"الجزمة يا حيوان ... كنت قالعها عشان أريح صوابع رجلي شوية
...."

"مش بقولك ... فيه حد يعمل كده إنت مدهول كده
ليه...؟..."

"أستاذ عماد.... اتفضل هنا لو سمحت ..."

"أوكي... ثانية بس ... أهو خلاص لاقيتها ... أنا جاي
لحضرتك...."

عماد يمشي لغاية المنصة الصغيرة يصعد جنب المدرب...

"بص يا أستاذ عماد إحنا بتكلم النهاردة عن التفاؤل"

عماد يرفع حاجبيه .. "آه...ياااااااااااه.....أكد طبعًا..."

"إنت بطبعك إنسان متفائل يا عماد..."

"قنبلة تفاؤل..."

"متأكد إنك إنسان متفائل...؟؟....."

■ ■ أنا سيكرد

"شوف يا دكتور... كوني جيت هنا أحضر لحضرتك وعندني أمل إنك تتكلم عن حاجة جديدة ... ده في حد ذاته قمة التفاؤل ... مع إن كل الحاضرين يئسوا من الموضوع ده بصراحة كل مرة حضرتك تتكلم عن الأمل والتفاؤل...التفاؤل والأمل... الأمل والتفاؤل... التفاؤل والأمل.... إحنا اتهرينا من الموضوع ده بصراحة سعادتك يعني..". ... يضحك الحاضرون

المدرّب بابتسامة حنونة .. ومسبلاً عينيه ... " يا عماد ... التفاؤل عمره ما يخلص....!" ...

" Enfinite يعني؟؟؟ ماشي أو كوي الي تشوفه ...".

المدرّب وعينه تنفجران ذكاءً ... " قولي لو عندك كباية نصها مليون عصير ... هتقول كباية نصها فاضي ولا كباية نصها مليون عصير...؟؟؟"

" ..لا أنا هشرب العصير ... مش هقول حاجة ... على فكرة المثال ده أنا بسمعه من أيام ما كان رغيّف الحواوشي بنص جنيه شوف رغيّف الحواوشي بقي بكام في الرفاعي دلوقتي...؟؟؟ ... حضرتك ممكن تقول حاجة جديدة ... حاجة بجد نستفيد منها عشان أنا ابتديت أشك إن حضرتك ممكن تضيفلنا حاجة ...

عشان أنا تعبان وامبارح قابلت ناس مجانين ... أنا عشمي فيك
تمسح ذكراهم ..."

"خلاص ... اتفضل اقعد!"

"إيه ده ؟؟ .. اتفضل اقعد ... هو أنت كنت جايني عشان نتكلم
عن العصير ..؟؟... " ... يضحك الحاضرون مرة أخرى ... ومن
كان نائمًا بدأ في الاستيقاظ على صوت الضحك ...

"لا خلاص يا عماد ... كفاية عليك كده النهاردة ..."

عماد ينزل ... صوت عادل إمام بداخله يقول .. " شغالين عند
أهاليكم إحنا ..."

"أمل إيه ... وأم أمل مين بس...؟؟؟....."

يرجع لمكانه يرمي جسده على الكرسي ينظر لصديقه
سيد المخرج غارقًا في الضحك ...

عماد ... " .. اضحك ... ما أنت واطي زيه....."

سيد ... " يا عم أنا مالي بص خللينا نخلع في البريك .. هنروح
عند أبو علاء ونضرب رغيفين حواوشى ..."

عماد .. "أيووووة ... هو ده الكلام ... قال يقولك نص الكباية
المليان قال ... إياكش تطفحه يا بعيد تيجى معانا يا نبيلة

...؟؟..."

مضت نصف ساعة ... ساعة ساعة ونصف... وما زال
(المهري) مستمرًا.... يقرر أن يهب واقفًا ويخرج و(اللي عنده حاجة
يعملها.. و I am outta here و do whatever you want
.... (you mother f***** او آاااا....

"عماد.... إزيك...؟؟؟..."

صوت عصفورة يناديه ..

لآ.. لآ... ليست عصفورة ...

هذه وردة تهمس إليه

لآ.. لآ ليست وردة

بالتأكيد.. بالتأكيد أحدهم قد بدأ في عزف الكمان متغنيًا باسمه ..

عماد يدير وجهه للصوت ويثبت (إيه ده ..؟؟)..

(إيسيسيسيه ده ..؟؟.. إيه الجمال ده ..؟؟؟)

العينان... الرموش الحاجبان الشعر .. ال... كل شيء

...

(عامل إيه يا عماد ..؟؟..)

"هه...؟؟?"

"أنت كويس ..؟؟.."

"هه..؟؟..?"

"أنا حب..?"

"مين.؟؟؟..?"

"حب يا عماد ... حب ...?"

"آآاه أكيد ...?"

عماد لا يشعر بما حوله ... أو بمن حوله

لا يشعر ب(سيد) ... لا يشعر ب(نبيلة) ... ولا بالمحاضرة ... ولا بال(طراينار)

هو فقط يحاول استيعاب الورد الأحمر الذي ينزل عليه من السماء...

سيد يلتفت إليها في دهشة ... ثم تتغير الدهشة إلى هيام ... نبيلة تلتفت في حدة ... ثم تعقد حاجبيها بغضب
"إيه يا عماد ... ماعرفتش صوتي ولا إيه.؟؟..?"

عماد مسبلاً عينيه ... محاولاً الرد لكمة قوية على كتفه من نبيلة التي اشتعلت الغيرة بداخلها " صحصح بابا ... فيه إيه ...؟؟..?"

عماد يستقبل اللكمة تزداد ابتسامته ... يلتفت لنبيلة ... ثم ينظر مرة أخرى لحب...

■ ■ خالد احمد

يتخيل

(الدنيا بتمطر ورد أحمر...)

(وحب الي واقفة هناك على باب بيتهم مستنيه لما يرجع من
الشغل)

(وهي لابسة الفستان الأبيض الي جاهاولها من شارع طلعت
حرب في ثاني عيد جوازهم....)

(لما كان عاملها مفاجأة وغمي عينها في القاهرة...)

(ووشوشلها في ودنها وقالها إوعي تفتحي عينيكي يا قمر....)

(وشال الغمامة من عن عينها عشان تلاقي نفسها في باريس...)

(وكومان سافا شيغي.... سافا تيغي بيااان...)

(هو يحدفها بالتلج ... وهى تبعته بوسة في الهوا ماهم في
باريس بقى...)

(أووووووو... عماد ... مونامور.... عايز أعيش معاك في القاهرة
....)

(let's go baby)

(هو دلوقتي في القاهرة..)

(وبيعمل باي من بعيد لبنته الي الحمد لله طلعت شبه أمها بالظبط
...)

■ ■ أنا سيكرد

(البت بتظنظ في البلكونة .. وتقول (كاتا..كاتا..)) ...

شيكولاتة يعنى ... "يوغتى" (...)

("حب" طالعة البلكونة تشيل البنت ... تعمله باي ...)

(يطلع يتخانق معاها "انتي ازاي تطلعى بشعرك

البلكونة؟؟؟" ...)

(آسفة حبيبي ... ماخدتش بالى ...)

(ولا يهملك يا قمر ... بس ماتعمليهاش تاني ...)

ياااااااااه هي دي الحياة اللي بيحلم بيها..... أووووووووه

....أووووووووووووووووووووووه....)

"عماد ... إيه ده ... أنت مش سامعني ...".... عماد يستيقظ على

صوت "حب" الجميل

"سامعك طبعاً ..."

"بقولك إيه رأيك نمشي دلوقتى .."

"طبعاً...."

"طب يللا.."

"يللا ... هنضربو بعض بالمخدرات ..؟؟؟!!!"....

حب ... "مخدرات إيه ...؟؟?" ...

عماد .. "لا ماتخديش فلي بالك يا ست الكل".
ثم ينظر ناحية "سيد" ... يجده (متنح) في وجه حب... فاتحًا فمه
مثل فرس النهر (سيد قشطة) وعيناه بدأتا في الحول تقريبًا من
فرط الجمال الناظر إليه....
"وله يا سيد ..".
لا يرد..
"أنت يا ابني ...".
لا يرد..
"أنت يا عم ..!!".
سيد "إيه عايز إيه ..؟".
"إحنا هنخرج لو دكتور زعبة ده سأل عليا قوله هروح أزور
خالتيك في البرازيل وهرجع على طول".
سيد مكلّمًا عماد ناظرًا إلى حب... "هي خالتي راحت البرازيل ...
سلملي عليها.....".
عماد يمسك بدماغ سيد ويديرها ناحيته ... "افهم ... أنا خارج أنا
و... وحب.....".
"آجي معاكم.....".

" لا ... تيجي معانا فين أنت...؟؟... " ...
" لا... هاجي معاكم إسمعنا إنت ...؟؟؟؟... " ...
" يا ابني إنت هتشبط... إوعى كده وإنت أهبل ... " ...
سيد مصمم ... صوتها بدأ يرتفع و"حب" تضحك ...
المحاضر والحاضرون بدأوا في النظر إليهم نبيلة تهب واقفةً
خارجة من القاعة مغممة بكلمات غاضبة غير مفهومة عن
الرجال المراهقين الذين تثيرهم أنثى بجسد جميل
عماد بدأ يفقد أعصابه يفكر في ضرب سيد بالقلم ... أو عضه
في أنفه
"حب" تكلم عماد "استنى يا عماد ... سيد بصلي كده"
"سيد" ينظر إليها بعينه شبه نائمتين
"حب" تركز في عينيه ...
"سيد ... سعيدة إنى عرفتك ... وخلص ... " فوكن أوب .."
سيد... "هه...؟؟... " ...
"فوكن أوب... " ... (حب) بصوت أقوى ..
"سيد" يهز دماغه كأنه استيقظ من النوم ... ينظر لهم ... عيناه
زائعتان ... ثم يدير جسده .. ناحية المنصة تفكيره

■ ■ خالد احمد

مشتت... (حاسس إنه كان محطوط مع لمونتين في خلاط موتور

بايظ ... ".....

"عماد" ينظر لسيد ... مستغرباً...

ينظر "حب" ... مبتسمة ... ودیعة ... هادئة

.. "عماد... يللا يا حبيبي ..!".....

.. "هاه...؟؟؟؟؟؟"..... عماد فاتحاً فمه ...

.. "إيه يا حبيبي ..."

عماد ضاحكاً مثل المعتوه ... قائلاً لنفسه " حبيبيك؟؟؟ ... يااااه

بالسرعة دى طب واحدة واحدة طيبيب... يا حبيبة قلبي

..!".....

"يللا يا عماد"....."!!.....!!



(٧) (في الشارع)

كان واقفًا ومستندًا على عربته السوداء خارج المعهد ملابسه
سوداء من رأسه لأسفل قدميه ... معطفه أسود ... قميصه أسود
.... حذاؤه وبنطاله كلهم بذات السواد في تناقض واضح مع
شعره الطويل الذهبي اللامع ولحيته المنمقة الأكثر لمعانًا ...
كان واقفًا مستندًا على عصاه الرفيعة الذهبية..... عجوزًا ذو
جسم قوي مبتسمًا وهو يلاحظ نظرات المارة المتفحصة له ...
المتعجبين لهيئته المتهيئين منه لشيء غير مفهوم
مبتسمًا وهو يتذكر أيام مجده.... عندما كان سيدًا ... يأمر ولا
يُؤمر... يقود ولا يُقاد ...
كان لديه مائة من الاتباع ومائة من الحراس ...
كان ... لا يخاف شيئًا ... لا يهزم من شيء
حتى حدثت الفاجعة و آآآآآآ
"يا لهوي عليه وعلى جماله بصي يا بتشي يا "نهى" القمر
ده..."

انطلق الصوت من حلق إحدى الفتيات الشابات المارات من أمامه

....

"عندك حق متمكن قوي في نفسه يا بت ... بس ده كيبير...."

" ياختي بلا خيبة عملنا إيه بالصغيرين ... هي هي هي هي هي "

انطلق صوتاهما كإناث كلب البحر

نظر إليهما العجوز متفحصًا ... مجموعة مبعثرة من الملابس الملونة

الغير متناسقة على هيئة (بنات) ... بدينات ومع ذلك فملابسهما

ضيقة للغاية في محاولة بريئة منها لتكونا مثيرات و لكن النتيجة

جاءت مثيرة للشفقة ... وعلى وجهيهما انطلقت غريزة الرسم

البدائية بداخل كل منهما للتسابق في وضع عدد أكبر من

المساحيق/ الألوان الزيتية/ الدهانات/ المعجون ... في محاولة منها

لتكونا أكثر جمالاً.. أو أكثر وضوحًا .. لا يعلم ... تجاهلهما

منتظرًا "حب" ... والضحية " عماد" ...

"حب" الجميلة قادمة من بعيد خارج المعهد ... (ساحبة) "عماد"

الذي استسلم لها مثل طبق "المهلبية" ... إذا قالت له يمين فهو

يمين شمال شمال فوق فوق ... تحت تحت ...

■ ■ أنا سيكرد

يعبر الشارع في اتجاه صاحبنا العملاق الذي هو (كما استتجنا) نفس الشخص الذي كانا "حب" و "حيدر" يلقبونه "مولاي" في فيلا المعادي

.. "عماد".... أقدملك بابا ... دكتور "عوض" "عني" (إيه ده ...؟؟؟..... هو ده أبوكي ... مش "حيدر" يعني ...؟...)

"حب" تنظر للحاج "عوض" ... ثم "العماد" ("حيدر" ... "حيدر" مين يا "عماد"؟؟؟...)

... (لا ... لا متاخدش في بالك ... تشرفنا يا فندم ...) ... عوض بصوت قوى ... "ازيك يا عماد سمعت كثير عنك"

"سمعت عني أنا ..؟؟.... فين ..؟.. .." "في الراديو طبعًا مش إنت مذيع في الراديو برضه ..؟؟.. .." "آه... آه... آه... طبعًا طبعًا ... بس احنا البرنامج بتاعنا شبابي و حضرتك ... آه... آه... يعني أكيد مش هيناسبك المواضيع التافهة قصدي الشبايبة اللي بنعرضها ..."

■ ■ أنا سيكرد

عماد ينظر ل (حب) في هيام ... "أنا هنا..".
سيد وقد بدا يرفع صوته غاضبًا ... " هنا فين؟؟... ماتصحي
معايا كده ...".

عماد ينظر ل "حب" في غرام... " آااااه ... هنا بقولك يا
حبيبي..".

سيد صارخًا ... "وله...اظبط ياض ... إنت بره ...استنى
هخرجلك.....".

عماد ينظر ل (حب) في وله .. " لا ...خلاص أنا رايح مشوار مع
عم (عوض)...".

سيد متسائلًا ... "عوض؟؟؟ عوض مين؟؟..".
" أبو الغالية ...".

" غالية مين؟؟؟...".

" حب يا سيد.....هو فيه غيرها" وينظر إلى حب التي بدأت
تشير له ليُنهى المكالمة.....

"عماد ما تتحركشإنت أكيد لسة بره ماتروحش حته
مع الناس دي إنت شكلك مش مضبوط"

(حب) تمديدها لعماد بعد إشارة خفية من عوض لتأخذ هاتفه
فأعطاه عماد لها بدون مناقشة مستسلمًا ... مبتسمًا في غرام
سيد ... " آلو ... آلو ... عماد " ...

عوض يضع يده حول كتفي عماد عماد بالنسبة له عبارة عن
طفل رضيع لضخامة عوض
دفع عوض عماد داخل السيارة دفعًا
ثم انطلقت السيارة متجهة إلى المعادي



(٨) سيكرد مرة أخرى

نقفز الآن إلى القرن السابع الميلادي ... بقرية "تروندهايم" ...
نفس المكان الذي حدثت به واقعة التضحية الأولى نفس
البقعة البيضاء المكسوة بالجليد .. نفس الجموع ذوي الوجوه
الكئيبة ... عشرات النظرات الباردة ... مجتمعين في دائرة يتوسطها
نفس الجسد العاري... البارد... لكن هذه المرة ... صاحب الجسد
مدعور... وبالتأكيد غير راضٍ عما سوف يفعلونه به ومن
وسط الجموع أتت ... عجوزٌ شمطاء صغيرة الجسد ... ساحرة
القبيلة الملعونة ... وبالتأكيد ليست الساحرة الأولى .. وإلا لكان
عمرها يزيد عن أربعمئة سنة

تقترب من المسكين الذي أخذ يركل في الهواء صارخًا في دعر
وأخذ الواقفون في همهمتهم اللعينة ...
(سيكرد سيكرد سيكرد)

فتتكلم العجوز (هأنذا يا أودين قدمت إليك بقراباني ...) ...
(سيكرد سيكرد سيكرد)

العجوز (هأنذا يا أودين يا ذا العين الواحدة وقد أحضرت من
أمرتني أن أحضره)

(سيكرد سيكرد سيكرد)....
(لك وحدك يا أودين سيغادرنا سيكرد ولن يموت كما أمرت
الريح أن تهمس لي (...)...
(سيكرد سيكرد سيكرد)....
(اقبله يا أودين ليستحم في بحور دماء " فالهالا " وأرجعه إلينا ثانيةً
في جسدٍ جديد ..)...
(سيكرد سيكرد سيكرد)....
وارتفع صوتها أكثر .. (وزمان ومكان جديدين ...)...
(سيكرد سيكرد سيكرد)....
(ليكتمل مجلس الحكمة ..)... قالتها واستلت خنجر عملاق لا
يتناسب مع ضآلتها ثم صرخت ..
(أووووووودين).... لتنهال على صدر الرجل بالخنجر
ولكنها لم تستطع إكمال مهمتها ... إذ اخترق سهم عملاق جبهتها
لينفذ من مؤخرة رأسها
وتقع أرضًا بلا صوت ... لتعلو صيحةً قتاليةً مصاحبةً لدخول
عشرات من المقاتلين إلى الساحة ... كانوا عشرات من الهمج ملوني
الوجه ...

■ ■ أنا سيكرد

ليطيحوا بالعديد من الرؤوس من النساء والرجال بل والأطفال
صراخ.... عويل... استغاثة.... الحقيقة أنها كانت حضارة شديدة
القسوة.....

مليئة بالقتال وسفك الدماء بسبب وغير سبب....
وانفض مشهد التضحية في دقائق قليلة.... ليحل محله مشهد
جديد لمذبحة صغيرة...
واندفع قائد مجموعة الهمج إلى وسط الدائرة ليفك وثاق الضحية

... والذي كان من الواضح أنه ذو شأنٍ لجماعتهم.....
كان عمالقة هذه القرية المنكوبة قد نجحوا في أسر أحد نبلاء القرية
المجاورة... الرجل ذو الجسد العاري...
وكانوا ينوون كوثنين التضحية به إرضاءً لأودين.... كبير الآلهة
آنذاك....

لكنهم فشلوا... ولم يكتمل هذا الطقس الوثني الدموي....
وهذه بالنسبة لهم وطبقاً لأفكارهم المتخلفة.... مشكلة....
مشكلة كبيرة...
ومن بعيد ومن وراء تبة تكسوها الجليد اختبأ بعض الرجال
العمالقة... في وضع استعداد... وتعلو ملاحظهم علامات الغضب
والحسرة وقلة الحيلة....

و قال أحدهم (بلدوين ... لقد قاموا بخيانتنا أبناء
الملاعين سأسحقهم ... سأسحقهم...)
وقام ليندفع إلى جموع الهمج... لكن بلدوين قام باحتضانه من
قدميه ليستقط معه على الجليد .. ثم صرخ ..
(انتظر يا هلدري ... انتظر يا أرعن ... ستقتلنا بتهورك أنت
من عمالة القوم لا جدال في هذا ... لكنهم كُثُرُ)
نظر إليه هلدري (الذي أصبح عوض بعد ذلك) وعيناه محمرتان من
الغضب ... (وماذا نفعل الآن ... هل نستسلم إن لم نعقد
مجلس الحكمة قبل بزوغ قمر جديد سيغضب أودن ولن
نستطع المكوث في حماه مرةً أخرى ..)
بلدوين .. (لن نستسلم ... ولن يغضب أودن منا ... فقط هيا بنا)
هيلدري ... (إلى أين ..؟؟)
بلدوين ... (لنبحث عن مكانٍ بعيدٍ للاختباء مكان نستطيع
فيه التفكير في حل ... بدلاً من انتظارنا هنا للوقوع في أيدي هؤلاء
الأغبياء الهمج سنجد حلاً إن فكّرنا في هدوء ...)
هيلدري ... (ماذا عن ثأرنا ..؟؟؟)

■ ■ أنا سيكرد

بلدوين... (لا تقلق ... ستثار أشد الثأر... والآن هيا ... لنخفي
سريعًا).....

هيلدر... (اللعنة اللعنة.... فلتسحقهم أقدام جادورا....).
انطلق العملاقان يتبعهما قليل من الاتباع عبر الوديان البيضاء
... مصحوبين بمرارة الهزيمة وعار الفرار من العدو
الى أن وصلوا جميعًا إلى غابة شديدة الكثافة وقبعوا جميعًا في
دائرة صغيرة في صمتٍ تامٍ ناظرين إلى بلدوين وهيلدر
منتظرين معرفة ماهم مقبلين عليه
وفجأة

بلدوين... (ستسلق قمة "جيردا" لمقابلته....).
هيلدر ... فاتحًا عينيه .. في عدم تصديق.... (هل فقدت عقلك
...؟؟؟... أتريد أن تقابله...؟؟؟...)
بلدوين ... في عصبية... (لم أفقد شيئًا هذا هو الحل
الوحيد....).
نظر إليه هيلدر غير مصدق لكنه يعلم مليًا أنه لا مفر من هذا
.... هذا هو الحل الوحيد لذا قال لبلدوين في ضعف ...
(ألا توجد طريقة أخرى....؟؟؟...)

بلدوين ... (بلى ولكن ستستغرق منا العديد من الأيام و
ساعتها سنكون في خبر كان ...)

نظر إليه هيلدر ثم قال .. (حسناً ما باليد حيلة ... لكن
متى ...؟؟.....)...

بلدوين ... (الآن بالطبع ... فلا يوجد وقت ولينتظرنا الرجال
هنا....هيا ...)...

وانطلق العملاقان يركضان في اتجاه الجبل المسمى بجيردا ...
كانا من علية القوم باسكندنافيا كلها وكانا مشهورين ...
بسبب تفوقهما القتالي وانتمائهما لجبل العمالقة لذا فركضهما
بهذه اللهفة بدون خدمهما وحاشيتهما يعني أن هناك شيء ما غير
صحيح

يركضان يركضان وتهتز الأرض من تحتها يصلان
إلى سفح الجبل لاهئين ينظرا لأعلى ... سيقضيان طوال نهارهما
يتسلقان هذا الشيء ولكنه يستحق
قال بلدوين (لنصعد هيا ..) ...

لساعات ... ظلَّ العملاقان يتقافزان من صخرة لأخرى ... غير
عابئين بالتعب ... ولا باصطدام كرات الجليد بهما ولا

■ ■ أنا سيكرد

بتعريض حياتها للخطر فقط يريدان مقابلته (هالفرد)
كبير العمالقة وحارس الصخرة
سيسألانه العون لمعرفة كيف يقومان بإعادة الطقس
طقس التضحية مرةً أخرى .. لإرضاء أودين (بسلامته)
ولضمان تواجدهم على القيادة قيادة القبائل بروتندهايم
!!!!...



(٩) في محطة الراديو

قال مدير المحطة صارخاً مدير المحطة.... " هيتخرب بيتنا
الهوا كمان ربع ساعة وعماد مختفي حد يشوفلى المعتوه ده فيسيين
....."

المخرج يرد خائفاً من ثورة رئيسه... " يا ريس والله حاولت أتصل
على كل تليفوناته ... مقفولة من ساعة ما خلصنا المحاضرة ...
وبعتله حد راحله البيت في القلعة... وفضل يرن على الجرس
محدش رد برضه ... مش موجود..."
المدير .. " أمه وأبوه ... مفيش حد من عائلته ... نكلمه
...؟..."

سيد.. " وحداني.... عماد معندوش حد نسأله عليه...."
المدير وقد بدأت شفتيه تتحرك لا إرادياً من الغضب ... " .. يعنى
إيه .. اتخطف مات ...؟؟.. إنت بتقول إنك لسة شايفه خارج
قدامك مع أصحابه من المحاضرة ... اتنيل راح فين؟..."
سيد... " لا ... هو الصراحة ... احم اححم مكانوش
أصحابه."

" نعم ياخويا ... أمال مين ؟... " ...

" كانت (حب) ... خرج مع (حب) .. " ...

" حب مين يا ابني ... ؟... " ...

" معرفش ... " ...

المدير منفجراً ... "إيه اللي متعرفش ... مين حب دي .. ؟... " ...

سيد .. " بص حضرتك أنا هقولك وحاول تهدي عشان أنا

هفهمك حاجة أنا نفسي مش فاهمها وأعتقد بعد ما أفهمها لك

هتحتار زيي بالظبط ... " ...

المدير "هتتار زيك .. ؟... اتفضل ... بس قبل ما تحكي ...

هنعمل إيه في المصيبة بتاعت النهاردة... عندنا هوا كمان ١٠

دقايق"

"هنضطر نعتذر يا ريس ... مفيش backup" ...

"اووووووف طب اتفضل احكي " ...

انطلق سيد يقص على مديره ما حدث بالتفصيل منذ يومين حتى

لحظة وقوفه أمامه كما أحضر له تسجيل الحلقة التي أذيعت

... وجلس المدير بعدما انتهى سيد من قصته ...

"يعني البت أم صوت حلو دي كلمت عماد ... على الهوا .. ؟... " ..

■ ■ خالد احمد

"آه ... صح .."

"وبعدين فجأة وإنّ في محاضرة التنمية البشرية لاقيتها وراك إنت وعماد ...؟.."

"آه ... صح .."

"وبعدين راحت ساحبة صاحبك عماد زي الجاموسة
وماشفتوش بعد كده .."

"آه ... صح .."

"طب سؤال وإنّ ما حستش إن فيه حاجة غريبة لغاية
دلوقتي ...؟.."

سيد بغباء ... "يعني تقصد إيه سعادتك ..؟.."

"يعني .. ما حستش مثلاً إنها حاجة غريبة إن واحدة متصلة
فجأة كده فجأة ... تظهر لعماد وتعرفه وتتكلم معاه
... وهو يخرج معاهها بكل سلاسة؟.."

"الصراحة ... حسيت وقلت لعماد ... بس هو كان عادي"

"كان عادي؟... آه وماله ... ماشى ... طب مسألّتش نفسك
هي عرفت مكانه منين؟؟؟."

"سألته حضرتك وماهتمش"

■ ■ أنا سيكرد

المدير .. " طب يا سيد ... حاول تجيب أي بديل ... دلوقتي

حاول تتصرف ... الإعلانات هتسحب وهنشحت ... "

سيد .. " بديل ..؟؟؟ بديل منين ..؟؟؟ .. "

(قال المدير صارخًا): ... " من عند أمي"

سيد .. " أمك قصدي أم حضرتك ..؟ .. "

"اطلع بره يا سيد اطلع بره بدل ما أرفدك وأرغد الناس كلها

وأبيع أم المحطة كلها ... بره "

سيد يجري خارجًا متسائلًا عن سبب ثورة مديره ... يتجه إلى

غرفة الهواء استعدادًا للاعتذار للمستمعين .. تقع عيناه على نبيلة

التي وقفت ناظرةً إلى أستوديو الهواء ... ينظر إلى ما تنظر إليه

"عمااااد...؟؟؟...إنت هنا يا ابن الـ*****... "

عماد جالسًا خلف الميكروفون بنفس ملابسه التي كان يرتديها

في المحاضرة وبنفس طريقتة في التقديم ...

"...وووووووو معاكم من جديد عماد جميل مساء الفل على

عيونكم "

مدير المحطة ينضم للمخرج ناظرين لعماد في دهشة ... الذي قال

بمرحٍ مبالغ فيه ... " مع بعض في إذاعة ... هو انا و انا ااحد.. "

■ ■ خالد احمد

وسبب دهشتها ليس لأن عماد قد ظهر فجأة... أو أنه بدأ في آخر
لحظة قبل الاعتذار بل لأنه ولسبب ما بدا مختلفاً... قوياً
... واثقاً من نفسه منتعشاً لحدِّ مبالغ فيه بل وبدا أكثر
وسامةً ولمعاناً

ظل يستقبل مكالمات المستمعين يحاورهم بحسِّه الفكاهي
بلا كلل أو ملل الحقيقة أنها كانت ليلة ممتعة للكل



(١.) التحضير

كان عوض جالسًا على كرسیه الهزاز ناظرًا أمامه بلا تركيز
بداخل رأسه عشرات الأسئلة بلا أي إجابات ... هل أصاب
الاختيار عندما قرّر الحصول على عماد ..؟؟.. هل هو سيكرد
المنتظر ..؟؟ هل صدق هالفارد عندما أخبرهم أنهم سيشعرون
بوجود سيكرد وسيشعرون بعلاماته ..؟؟

قطع تفكيره دخول (حب) إلى قاعته .. التي قالت ... " كل حاجة
تمام عماد في شغله ومفعول التعويذة اللي شربها في العصير
شغالة مذبوط" ...

ينظر إليها عوض في صمت ... وقال: " المفروض ... حسب
ماعرف ... إن اللي شربه هيخلليه خاضع لينا من غير مقاومة أول
ما ساعة التصحية ما تيجي ..." ...

حب ... " سيدي ... ماتقلقش اعتبره خاضع من دلوقتي
... " ...

عوض ... " ...أتمنى مش عايز غلطات تاني مفيش وقت
لحاجة زي دي ... " ...

حب... " .. كان فيه سؤال عايزين نسأله أنا والرفاق يا مولاي
... " ..

عوض ... " .. اسألي ... " ..

حب .. " .. هو احنا مستنيين إيه ..؟ .. احنا ممكن نخطف عماد حالاً
..... ونقوم بطقوس التضحية ليه الانتظار ..؟ .. " ..

عوض يصب لنفسه كأساً من الخمر من زجاجة كبيرة بجانبه
... " .. سؤال غبي يا حبيبة القلب ... " ..

حب ... " .. أنا بتأسف لمولاي ... " ..

عوض يتنهّد ... " .. أولاً ماينفّش نقوم بالطقوس قبل اكتمال
القمر ثانياً لازم أتأكد من خضوع عماد كاملة ... فيه أي أسئلة
غبية تاني ..؟؟ .. " ..

حب ... " .. لا يا مولاي ... إئذن لي ... " ..

أشار لها عوض بكبرياء لتصرف .. ثم عاد مرةً أخرى إلى تفكيره
... وقلقه !!!



(II) فريق المنافسين

انتهى عماد من حلقة الرائعة والتي جعلت العديد من المستمعين
يحاولون الاتصال به في استماتة لتفاعلهم معه

عماد... " هاه يا جماعة ... إيه رأيكم ... النهاردة حلو...؟؟؟.. " ..
دخل إليه سيد المخرج ...

" إيه يا باشا ده لا الصراحة كنت عالمي النهاردة ... أنا لو منك
..... لو منك يعني .. أطلب زيادة ... " ..

نظر له عماد مبتسماً في ثقة ومرح " بجد طب أوووكي
.. هروح للريس أقوله إنك قولتلي الفكرة دي ... " ..

سيد مفزوعاً ... " لا ... لا ... قلبك أبيض ... دانا بهز ريابا .. " ..
عماد ينظر إلى نبيلة التي تتظاهر بالانشغال وهي تنظر من لحظة
لأخرى رغماً عنها " بقولك يا سيد .. البت نبيلة ماها وأنا
داخل بسلم عليها ماردتش عليا " ..

" يا رايي اجل يعني مش عارف يا عمدة ..؟؟؟.. " ..

" لا ... مش واخذ بالي فيه حاجة ولا إيه ... " ..

" البت غيرانة...!!.. " ..

" غيرانة من مين ..؟؟؟... " ...

"ياض ... ياااض ... ماتمثلش ... غيرانة من (حب) ماهي شافتك وإنت مدلوق عليها النهاردة الصبح ... " ...

" آااa

عماد ... " لا ... شكرًا يا نبيلة ... إنتي كويسة؟؟؟... " ...
نبيلة .. " الحمد لله كويسة بعد إذنكم ... أنا في ال Back

area لو احتاجتوني " تخرج مغلقة الباب وراءها بعنف ..
" شفت البت ؟؟ .. شفت البت ؟؟ .. هتخلع أم الباب من المفصلات ... " ...

سيد ... " عندها حق والله ... بقولك إيه ... إيه رأيك في نبيلة ؟؟ ... " ...

" كويسة إيه ناوي تتجوز على مراتك " ...
" ماتستهبلش بتكلم عليكم ما تتجوزها ... البت بتحبك وكويسة وبنت حلال ... " ...

عماد ... " أتجوز مين يا عم دي أطول مني " ...

■ ■ أنا سيكرد

" مش بالطول يا عماد وبعدين ليه ماتقولش إن إنت اللي أقصر منها ...؟؟؟..."

عماد ... " على فكرة شكلك فايق أنا همشي دلوقتي ورايا حاجات كتير هعملها أهم من الكلام الفارغ ده ... " ...
سيد ينظر إليه غامزًا بعينه.. " لااا... تمشي مين قولي رحنوا على فين يا برنس... وقافل تليفونك ليه ... البت خدتك على فين...؟؟؟..."

ابتسم عماد ... " بت مين؟؟؟... قصدك (حب).. "

" آهه يا عم ... حب ... هو فيه غيرها ... " ...

" عادي يا سيد قابلنا أبوها د.عوض ركبنا معاه رحنا بيته اتغديت معاهم وبس.. " ...

" يا سلام وبس؟؟؟... عادي يعني؟؟؟... " ...

" آه يا سيد فيه إيه ... عادي يا عم هيكونوا خطفونى يعني .. " ...

" وله يا عماد إنت عارف قصدي إيه يعني إيه واحدة تكلمك إمبراح ... وفجأة تلاقيها قدامك النهاردة ... وتعرف مكانك

عادي كده ... وتاخذك من إيدك وتقابل أبوها وتروحو
تتغدوا في بيته إنت شايف إن ده عادي...؟؟؟... "....
عماد متأففاً... " كان يوم عادي جداً يا عم ؟؟؟... والله رحنا
البيت وقعدت مع حب وأبوها وشربت عصير ... حلو
قوي أول مرة أشرب عصير رمان بالحلاوة دي
واتكلمنا شوية ... وبعدين أكلنا حته خروف أوزي ياض يا
سيد... إبييه ده... إيه الحلاوة دي ؟؟؟؟.. كان يوم جامد... "....
سيد ... في جدية... " شربت عصير رمان ... وكلت خروف... يا
عماد إيه ده يا عماد إيه الحب والود المفاجئ ده يعني عادي
مستمعة لسة مكلمك إمبارح وتشوفها النهاردة تقابل
أبوها... وتشرب رمان... الناس دي عايزة إيه يا عمدة..؟؟؟... "....
عماد في ضيق... " هيعوزوا إيه يعني يا سيد ... ناس محترمة
وقدروني.. وعزموني في بيتهم فيها إيه يعني ... هيكلونى مثلاً
؟؟؟..... "....

سيد ... ساخرًا... " لا ... يقدروك دي لما يكون فيه سابق معرفة
حضرتك بص إنت فيك حاجة مش طبيعية السكينة
سارقاك كده وعامل زي المتنوم مغناطيسي... "....

■ ■ أنا سيكرد

عماد في انفعال... " .. متنوم مين يا عم ... فيه إيه ... ما أنت عارف
إنى مضيع ... وناس كتير عارفاني ... عادي يعني ...؟؟؟... " ..
سيد وقد بدأ صوته يعلو ... " لا مش عادي ... عادي في أفلام
الكارتون ... فوق يا عمدة روح احكي الي حصل لأي حد
.... وشوفه هيقولك إيه ... إنت بتقاوح ليه؟؟ وبعدين حضرتك
المفروض تيجي قبل الهوا بساعة ... ماينفعش تيجي عاهلوا على
طول.... أظن ده شغل بقى ... ولا إيه..؟؟.. " ..

(قال عماد صائغًا) " ... آه شغل يا سيدي ... بس حضرتك أنا
باجي قبل الهوا بساعة عشان أحضر الحلقة أنا جاي جاهز
ومش محتاج ساعة تحضير وإنت بنفسك قلتلي إنها كانت حلقة
كويسة ... " ..

سيد .. " .. بص... إنت مش طبيعي وأنا متعود إنك إنت اللي
أذكى مني ... ولما عني ولما بحتار في حاجة بستشيرك أول واحد
.... لكن المرة دي حاسس إن إنت الحمار " ..

" شكرًا يا عم " ..

نييلة تدخل الحجره في اندهاش ... " إيه يا جماعة فيه إيه ..؟؟؟
صوتكم عالي ليه؟؟... " ..

يدير عماد وجهه عنهما يلتقط حقييته يخرج من المكان يلا سلام تنظر نبيلة إلى سيد .. " فيه إيه يا سيد...!!؟!" ... سيد .. " ماعرفش بس أكيد أكيد ... الموضوع مش تمام "

خرج عماد من المحطة ... واضعاً يديه في جيبيه ... متضايقاً ... محتاراً ... ليس من حديثه مع سيد بل من شعوره الخفي بأن سيد له الحق فيما قاله لأول مرة في حياته ... لا يفهم نفسه ... هناك خليط متناقض بداخله من المشاعر والرغبات المتضادة ضيق وحيرة مع نشوة وسعادة.... فهو يشعر بأن هناك شيء غير منطقي في القصة ... يشعر بأن هناك من يستغله ولكنه غير مهتم .. إنه سعيد... منتشي يفكر في عزيزته (حب) ... هو غير مقتنع بأنها تحبه أو أنها تميل إليه حتى ... ولكنه يريد أن يعيش هذه اللحظة... يريد أن يشعر كم هو محظوظ كم هو سعيد يتذكر زيارته لبيت أبيها في المعادي ... حديثهم الشيق المثير والذي عندما يتذكره الآن يكتشف أنه كان يدور حول مواضيع تافهة كان الغرض منها تضييع الوقت لا أكثر... .. لكنه مع ذلك سعيد ... كم كان الغذاء لذيذاً لقد أحب طعامهم أحب

"إنتم... إنتم مين؟؟؟... هو حضرتك تعرفني ولا أنا أعرفك
عشان أجي معاك؟؟؟...."

أحد أبواب السيارة الخلفية يفتح لتخرج منها (حب رقم ٢)
... هذا ما قفز لذهن عماد عندما رأى الحسناء الشقراء بالتأكيد
لها صلة قرابة قوية بـ(حب) ... نفس الجينات (هم كلهم جمال
كده) أراد أن يسأل العملاق الواقف أمامه

العملاق مبتسمًا في رومانسية ... "أستاذ عماد أعتقد إن
حضرتك مش مستغرب من طلبي ... يبقى أكيد قابلت ناس آآآآ..
ممم ... خللينا نقول شبهنا خلال الأيام دي وأوعد حضرتك
... مش هنعطل حضرتك كثير.... وصدقني بعد حديثنا اللطيف
هتفهم حاجات كثير"

فكر عماد ونظر لفينوس البحر الأبيض والأحمر معًا .. ثم إلى
العامود حليق الرأس ..

" لا ... معلىش ... خلليها وقت تاني.."

ثم استدار ليكمل طريقه ... إلا أنه اصطدم بعامود آخر ... يسد
طريق فراره ... فتكلم العامود الأول بصوت هادى ..
"عماد... هتركب معنا"

■ ■ أنا سيكرد

فتنهد عماد مستسلمًا ... "أوكي ليه لأ؟؟؟... اركب العربية دي ...
صح؟؟؟..."

ابتسم العملاق ابتسامة أم العروسة ... "تمام اتفضل"
يدلف الثلاثة في السيارة ... تنطلق بهم ... سائق في المقدمة ...
عملاق بالطبع بجانبه الأخ العامود... وبالخلف عماد و
مضيفه... وأمامه أيقونة الجمال جالسة في وقار الأميرات ناظرة إليه
(مسبلة) ... وعماد كالمشلول ناظرًا إليها

العملاق الأقرع.. "أقدمك نفسي اسمي بلدوين بلدوين
لودفيج ... ودي ماركا ... العزيزة ماركا...." ...
عماد ... "إيه ده ... إنتم أجنب...؟؟؟... آمال بتتكلموا عربي
ازاى كده...؟؟؟..."

بلدوين محتفظًا بابتسامته العذبة.. "أستاذ عماد ... خليلنى أبقى
واضح جدًا معاك ... أنا مش هعمل زي الفريق الثاني وألف
وأدور وآسف في اللي هقولهولك ... وأستغلك زي الطفل
العبيط....عايز أوضحك إيه اللي بيجرالك بقاله يوم ونص ده...
.."

عماد ... "شكرًا يا محترم ..."



"احنا جايين من النرويج بالتحديد من حته اسمها تروندهايم
احنا من الفاىكنجز أو زي ما بتسموهم غزاة الشمال محاربين
ومقاتلين بنفهم في مهارات الحياة المختلفة ... زي ما أنت
شايف أقوىاء ولياقتنا البدنية الطبيعية مساعدانا ... شكلنا حلو
وجذاب أذكىاء ... مثقفين .. قدرتنا على استيعاب اللغات
سريع بس بعضنا متهور ... وأعتقد إنك قابلت واحد منهم
... حيدر اللي دغدغ القهوة المهم ... احنا لنا هدف
سامي ... هدف بذلنا فيه مجهود كبير جدًا .. ومستعدين نبذل فيه
مجهود أكبر ... هدف مش ناقصه إلا حاجة واحدة بس ... إنت
..."

عماد ... "مين يا باشا...؟؟؟..."

بلدوين "إنت يا عماد ..."

عماد رافعًا حاجيه ... " طب ... بص يا باشا ... حضرتك قلتلي

اسمك إيه ... ماندولين ... صح ...؟؟؟..."

"بلدوين يا عماد بلدوين .."

"آسف .. معلىش ... بص يا مستر بلدوين أولاً اللي أعرفه إن

الفاىكنجز .. حضارة وخلصت من زمان ... صح ...؟؟؟..."

■ ■ أنا سيكرد

بلدوين ... مبتسم .. " تمام برافو ما هو ده هدفنا " ...
عماد " .. اللي هو إيه بقى .. ؟ ... " ...
بلدوين وقد لاحت في عينيه نظرة حماس ممتزجة بالرومانسية " إننا
نرجع من تاني "
" جميل إنتم مين وترجعوا مين بس ... ؟؟؟؟ "
" إننا نرجع تاني إحنا الفايكنجز راجعين تاني .. "
" بكل قوتنا ... "
" مجدنا ... "
" سطوتنا ... "
" احنا الفايكنجز هنسود على شمال أوروبا تاني ... ومنها لأوروبا
وبعدين أمريكا والعالم "
" احنا أعظم مقاتلي الأرض ... الفايكنجز "
عماد في ذهول .. " .. يعني حضراتكم عايزين تلموا نفسكم كده
وتعملوا فايكنجز تاني ... وتسيطروا على شمال أوروبا... وتكملوا
على أوروبا وتخريمة منها على أمريكا صح أباشا
... ؟؟؟؟ "

■ ■ أنا سيكرد

بلدوين وقد عادت إليه ابتسامته .. " عماد عشان مجد الفاينجنز
يرجع من تاني ... لازم مجلس الحكمة يكتمل ... ومجلس الحكمة
ده مكوّن من سبع أعضاء ... الفريق بتاعنا موجود فيه ستة
الفريق التاني ... برضه فيه ستة يعني فاضل السابع في كل
فريق فاضل "سيكرد" ... إنت المتمم يا عماد ... إنت
"سيكرد" ... " ...

عماد مبتسماً " متمم لإيه يا غسل ..؟؟؟... " ...

بلدوين .. " متمم للفريق .. ده شرف هتنوله يا عماد أي فريق
هتروحه الفريق هيكمل ... والفريق ده هيبقى هو مجلس
الحكمة ... اللي هيحكم مملكة الفاينجنز الجديدة... "

عماد ... " يا سلام ... جميل ... جمبييل ... طب إشمعنا أنا يا باشا
لمؤاخذة ..؟؟؟.. يعني هنا فيه ستة وهنا فيه ستة ... يعني
البديل موجود لكل شخص ... يعني فيه نسخة لكل واحد في
الفريقين ... إشمعني أنا الفردي بقى ..؟؟.. وبعدين يعني
حضرتك لو دورت في أي حته تاني هتلاقي "سيكرد" كتير في كل
حته .. دول كتير جدًّا اليومين دول !!!!... " ...

بلدوين .. " سؤال وجيه في محله " ... دقيقة من الصمت
... ينتظر عماد الإجابة ... بلدوين مبتسم ولا يجيب ...
عماد ... " أيوة يا باشا !!! ... إيه اشمعنى أنا ؟؟...؟... " ...
بلدوين ... " هتعرف في الآخر يا عماد احنا بس يهمننا إنك
توافق وبارادتك على اللي هنعرضه عليك
عماد ... " وإيه هو اللي هتعرضه عليا " ...
بلدوين .. " مش هقولك دلوقتى ... بس أحسنلك إنك توافق وإلا
هتكون النهاية قتلك!!!! " ...
عماد .. " قتلي؟؟؟... " ...
بلدوين وقد اتسعت ابتسامته في نشوة .. " أيوة يا عماد ... فكر فيها
هتلاقيها منطقية ... لو أي فريق معرفش يضمك ... أكيد على
الأقل هيحرم الفريق الثاني منك ... شىء طبيعي ... مستغرب ليه
... لازم تنضم لحد فينا قبل اكتمال القمر " ...
عماد وقد بدأ يضحك من ضغط الموقف .. " لا... ولا حاجة ...
طب بص يا باشا .. أنا عايز أقولك على حاجة ... أنا اسمي عماد
... عماد جميل ... مواليد القلعة ... أعزب ولا أعول ... ولن أعول
عشان تبقى عارف ... وخريج آداب إنجليزى بتقدير مقبول ...

■ ■ أنا سيكرد

شغال مذيع في الراديو .. برنامج تافه .. طب والله برنامج تافه ..
وأنا أساساً مذيع تافه .. خاطب مرتين قبل كده .. وفسخت في
المرتين .. الأولانية كانت هبله وعايزانى أكلمها الساعة تلاتة نص
الليل عشان أغنيها "آه يا سيدتي" بتاعت كاظم الساهر ... والثانية
اكتشفت إنها بتشرب سجائر وبتقعد مع البوي فريندز بتوعها
بتشيش معاهم .. تخيل حررتك... كانت هتبقى أم عيالي ..
وصوتها مغشلق من الدخان المعسل .. ولما واجهتها قعدت تقولي
إني رجعي .. ومعقد وكلام السترونج اندبندت ويمن اللي
سيادتك أكيد عارفه عشان شاكلك قاري ... أنا يا باشا راجل
بسيط... ماليش دعوة بالحوارات دي كلها... علاقتي بشمال
أوروبا .. إني بتفرج على البنات الحلوين بتوعهم لما الكاميرا
بتجيبهم في الألعاب الأولمبية ... بس... لا أعرف فايكنجز ...
ولا حاجة ... راجل بسيط أباشا .. بقعد على القهوة مع
أصحابي... مش الكافيهات زي العيال الطرية بتاعت البراون
شوجر وسكر الدايت ... باكل على عريية الفول من عند أم سلمى
اللي في الدقي .. وبشرب شاي ... وساعات باللبن وبسقي فيه
بقسطا... أقولك يا باشا ... أكيد حضرتك والأساتذة الفاينجز

التانيين غلطانين... يعني بصلى وبص لحضراتكم... إتم طول وعرض وهيبة وشعر أصفر وبتاع... لكن أنا مواطن بسيط علاقته بالوسامة هتنتهي لما يتجوز وكرشه يكبر وشعره يقع من ورا وقدام... سيبيني أروح يا باشا... وماتضيعش وقتك معايا..."

بلدوين... ينظر لعماد لبرهة... ينفجر ضاحكًا... "هاهاهاهاهاها... إنت مش ممكن... مطابق للمواصفات... سيكرد طول عمره متواضع...."

عماد "يادي النيلة... ماشي يا باشا... اللي تشوفه... ممكن أمشي... هروح أستعد عشان مستني القمر... بس ممكن سؤال (؟؟؟) بلدوين في نعومة سمجة... "أفضل..."

عماد... "هو اشمعنا دايمًا الناس بتبقى مستنية القمر يكمل عشان يعملوا مصيبة... يعني مثلاً ماينفعش نتحول لمذؤوب إلا أما القمر يكمل... مش عارف هنقدم البت لوحش الإغريق بس لما القمر يكمل.... وإنت كمان بتقول لازم أنضم ليكم قبل اكتمال القمر... كده إحنا ظالمين القمر في حاجات كتيرة..."

بلدوين... "مش عارف... بس هي دي القواعد..."

■ ■ أنا سيكرد

عماد... "لا يا شيخ ... حافظين مش فاهمين يعني ... طب يا باشا
فرصة سعيدة أنا بقي ...".

بلدوين ... "طب نوصلك ...".

"لا ... ميرسي خالص يا باشا... أنا همشيها من هنا ...".

"عماد أنا كنت صريح معاك ... وملفتش ولا درت معاك ...

ماعملتش زي الفريق الثاني إنت عارف ... إن البنت اللي

اسمها (حب) ماسمهاش (حب) .. اسمها الحقيقي (لوفن)

.....".

عماد مندهشاً " حب .. مش حب؟؟؟؟؟؟؟؟؟؟؟؟؟؟؟؟؟؟؟؟؟؟"

بلدوين .. " آه ... وكأن رمت عليك تعويذة سحرية مخلياك

زي الأهبل ولهان بيها وبصوتها وبشكلها وكل حاجة ...".

عماد .. " تعويذة سحرية بس هي مش محتاجة تعويذة عشان

أحبها ... دي هي لوحدها تعويذة ماشية على رجليها ...".

ماركا تضحك ضحكة مائة قليلاً ... بلدوين ينظر إليه " مش

لدرجة دي يا عماد ... إنت بس اللي مش متعود ... طب أقولك

حاجة ... أكيد إنك ملاحظ إنك نشيط وقوي بعد ما جيت من

عندهم بسبب العصير اللي أكيد شربته هناك. حاجة كدة زي

مشروب الطاقة عندهم .. محفز عشان يساعدك لما ساعة التضحية
تيجي ... تكون إنت جاهز... وخاضع ... " ...
عماد وقد أقلقته كلمة (تضحية)... " ساعة إيه يا باشا
...؟؟؟... ..

بلدوين ... " تضحية يا عماد لكل عصر تضحيته ولكل
تضحية بطل ... بس ماتخافش ... العصير اللي شربته دلوقت ده
... هيبطل مفعول العصير الأولاني ... ANTI-DOTE يعني
... " ...

عماد يهز دماغه .. محاولاً استيعاب كل هذه المستجدات ... " طب
.. باشا أنا عايز أروح ... معلش .. هنزل هنا ... " ...
بلدوين .. " أكيد يا عماد بس بقولك افكر.... إنت معانا
أو مش مع أي حد افكر دي كويس وحاجة كمان
إووووووو عى تدخل حد في حكايتنا ... ماتسألش أخ ... أو
صديق ... أو زميل ... صدقني هتخسرهم للأبد "
عماد يحرك رأسه فاهمًا يقفز خارج السيارة حتى قبل أن تتوقف
.... يسير مبتعدًا عنها وقد اختفى أي أثر لأي سعادة كانت
لديه ... بداخل رأسه ألف فكرة ومليون شك يتصارعون جميعًا

■ ■ أنا سيكرد

لخلق حالة عارمة من الحيرة من هؤلاء؟ ... هل هم مخابيل
لهذه الدرجة؟؟؟ ... من سيكرد هذا؟؟؟؟ ... وأهم شيء في
الموضوع : (... ماينفعل يسأل أخ ... أو صديق ... أو زميل ...
هيخسرهم ... يعني هيقتلوهم يبقى خلاص مش هيسأل
.... مستحيل يسأل حد ويعرضه للخطر...!) ...



(١٢) صديق الطفولة

- ألو ... صباح الخير... سامي معايا .. سامي سيد؟؟؟....

- ألو .. صباح الخير .. تمام يافندم ..؟ مين معايا؟؟؟...

عماد " أساااااامى ... ازيك يا ض سامي يا ابن الذين ... عامل إيه يا وله ... أنا عماد .. عماد جميل ... صاحبك يا ض من القلعة ..."
..."

سامي " أهلاً ... عماد .. ازيك يا ض يا ***... عامل إيه ...؟؟؟..."

"أنا كويس ... إنت لسة لسانك طويل ..هتبقى دكتور محترم في الجامعة وبتشتم لسة؟؟؟..."

"عاعاعاعاعا...أعمل إيه ما أنت تخلى أي حد يشتمك ... طول عمرك مهزأ.... بس أنا متابعتك يا متألق ... لا بجد رافع راسنا ... لما بسمعك مع حد بقولهم إنى صاحبك... وإني كنت على طول بديك على قفاك وإنت قاعد قدامي في الفصل...." ..."
" ماشي شكرًا يا محترم .. بقولك ..."
"قولي ..."

■ ■ أنا سيكرد

"... بص ... أنا عارف إنك بتحضر دراسات في التاريخ الأوروبي وبتاع ... وأنا واقع في حوار ... ومبهدل أمي بقالي أسبوع... وعائز مشورتك عشان أفهم"

"تحت أمرك يا باشا فاكرا ياض لما أبوك قفشك بالمجلات اللي كنت مخبيها تحت السرير وقعد يضرب فيك يومين ورا بعض .. ههههههههه .."

عماد ... "أيوه يا سامي ... فاكراعائز أسألك على حاجةتعرف إيه عن اللد...."

يقاطعه سامي ... "طب فاكرا لما كنت بتبعت جوابات للبت فاتن ... وبعدين أبوها لم الجوابات كلها ... وراح لأبوك وورهمله فأبوك ضربك تاني .."

عماد ... "فاكرا يا عميله؟؟ ركز معايا بقى ... أبوس إيدك .. قوللي تعرف إيه عن الفايكنج...؟..."

قال سامي مكملًا ما بدأه: "... طب فاكرا درس الكيمياء لما....."

انتفض عماد صائحًا: "...ماخلاص بقى يا سامي ..!!! كل شوية حكاية منيلة من دول ... الملافظ سعد؟؟؟انسى بقى؟؟؟انسى "

■ ■ أنا سيكرد

والقرصنة وحب السيطرة على الأراضي اللي حوالهم ... وكانوا مسبيين مشاكل كتير جداً لدول زي بريطانيا مثلاً كانوا مؤمنين بعدد من الآلهة وزعيم الآلهة عندهم اسمه أودين واللجنة بتاعتهم اسمها فالهالا بس ... ده باختصار يا عمدة " ...

"مممممم طب أنا محتاج مشورتك في حاجة لها علاقة بالحدوتة دي"

"احكي يا باشا سامعك"

فبدأ عماد في سرد كل ما حدث له بالتفاصيل منذ أن استقبل مكاملة (حب) في محطة الإذاعة ... وحتى تلك اللحظة لم يقاطعه سامي ... وعندما انتهى عماد .. بدأ سامي في التحدث بهدوء
"طيب أولاً: الناس دي مش مصريين ... بس بيتكلموا زي المصريين

ثانياً: كل شوية تلاقيهم طالعينك وعارفين مكانك كويس من غير ما حد يقولهم

ثالثاً: ابتدوا يلمحوا لاحتمال قتلك بسبب التنافس عليك

رابعاً: البت اللي اسمها "حب" دي مدهولاك ومخلياك زي الكلب البلدي اللي ماشي ورا واحد معاه ساندوتش سجت

خامسًا: قالوك ماتحكيش لحد ... وإنت عشان متخلف حكيتلي
... واحتمال كده يخلصوا عليا

صح ...؟؟؟..."

عماد ... " صح ... بس مالوش لازمة موضوع الكلب ده
....خلي لسانك حلو...."

" طب ... مش شايف إنك لازم تبلغ البوليس وخصوصًا بعد
موضوع تهديد القتل ده ...؟؟؟؟؟..."

عماد ... " آه ... هروح أقولهم ... فيه ناس طويلة بيجروا ورايا
أباشا صح ..؟؟؟..."

سامي ... " طب فاكرا لما خدت فلوس الدرس من أبوك.. ورحت
بها تأجر سكوتر.. وأول ماركبته لاقيت أبوك في وشك.. وقام
مسكك من هدومك و آآآآآآآآآآ...".

هنا صرخ عماد ... " يا عم أنا غلطان واستاهل ضرب الجزمة اللي
كلمتك أساسًا إيه الواقعة اللي أنا وقعتها دي ... إنت بقيت
تافه ليه ..؟؟؟..."

سامي .. " طيب ... طيب اهدى يا عمدة لما روحت
الفيلا بتاعت المعادي حصل إيه؟؟؟..."

عماد .. "مش فاكر أي حاجة ... " ...

سامي .. "يعني إيه مش فاكر أي حاجة ..؟؟.. كنت نايم؟؟.." ...

عماد .. " لا ... أنا فاكر إني كنت صاحي ... بس مش فاكر أي

حاجة غريبة يعني قعدة عادية.... شربنا عصير اتكلمنا

... وبس ... بس الرجل الأقرع ده قاللي إن العصير اللي شربته زي

مقوي كده وفعلاً من ساعتها وأنا حاسس بنشاط وحيوية ..

قال سامي ضاحكاً: .. " إوعى يا ض يكونوا عملوا فيك حاجة

ياااااض... "

عماد ... "هي هي هي هي هي ... يا ض يخربيت أم طعامتك ... قولي

اتنيل أعمل إيسيه... " ...

سامي .. "خلاص ادينى ساعة كده واتصل بيك ... وأقولك تعمل

إيه."

عماد .. " لأ.... لازم أقابلك إنت فين النهاردة ..؟؟..."

سامي .. "فاضي تعالالي "

عماد .. "قشطة فين؟؟..." ...

سامي .. "عارف قهوة صابرة ... اللي كنا بنشيش عليها بعد

الدرس ... "

(١٣) صديق الطفولة ... بخ !!!

إرهاق شديد ... هذا ما شعر به عماد وهو جالسٌ داخل مقهى (صابرة) بالسيدة زينب ... لم ينم جيداً منذ فترةٍ طويلة... وبرأسه مائة سؤال يتصارعون للفتك بخلايا مخه ... كيف زلتَ قدماء في هذه القصة المعقدة؟؟... كيف كان غيباً لهذه الدرجة؟؟.... كيف أصبح مسلوب الإرادة تجاه (حب) بهذا الشكل؟؟.. كان كالكلب البلدي كما نعته صديقه ... لماذا هو بالذات؟؟... هل هو ضحية لخدعةٍ ما؟؟.... هل هم مخطئون لهذا الحد؟؟... الفريقان مخطئان؟؟... والسؤال الأهم ... ماذا فعلت (ملك) مع أبيها..؟؟؟ هل قتلها...؟؟؟ كم يتمنى هذا....

نظر في ساعته مضت ساعتان وهو يجلس منتظراً لصديقه (سامي)....

"بيتك لبيت مواعيدك... ".... يخرج هاتفه من جيبه ليتصل به فجأة يشعر بانعدام وجود الهواء من يساره نظر يساره ... ليجده عملاقه المفضل ... بجانبه
"إيه ده ... "حيدر"....؟؟؟" ...

جلس العملاق بجانبه بقامته المهولة ... وشعره المتوهج
ليعم الصمت المكان وتتوقف حركة البشر ... ناظرين إليه
... وإلى عماد ... الذي ينظر إلى شاشة ال LCD المعلقة بركن
المقهى متحسراً على شبابها ... ثم ينظر إلى حيدر الذي قال:

" عامل إيه يا عماد كويس ؟؟ " ...

صمت عماد... لا يجد ما يقوله ... Speechless ... يأتي عامل
المقهى ... الذي كان مهذباً هادئاً لحسن حظ الجميع .. ولحسن
حظ الشاشة الـ LCD ... يسأل حيدر عما يريد شربه فينظر
حيدر بدوره إلى عماد المحمووم من الخوف .. ويسأله ...
" إيه رأيك يا عماد ... آخذ إيه ...؟؟؟؟ " ..

عماد .. بصوتٍ خافض .. ".... اللي إنت عايزه ... بس أبوس
إيدك ... خلليك هادي ... بلاش عصبية ... "

حيدر يضحك بعنف مفاجئ جعلت جميع رواد المقهى ينظرون إليه
باستغراب.... وأشار إلى عامل المقهى ليتركه قليلاً ليفكر ... ثم
قال لعماد .. " ماتخافش أنا مزاجي حلو النهاردة ... المهم
أنا عايز أجرب البتاعة دي " .. ثم أشار إلى الأرجيلة ... أو
(الشيشة) البلدي الأصيلة ...

■ ■ أنا سيكرد

عماد ... " دي اسمها شيشة ... ولازم عشان تشربها تكون
محترف وصدرك واسع مش أي حد يجربها يعني ... "
حيدر .. " أشربها ..؟؟؟.. بس الناس ماتشربش المية اللي فيها
.... دول بيطلعوا دخان بس ... "

عماد ... " لأ ... مش قصدي تشربها يعني تشرب المية بص ده
مصطلح عندنا معناه تدخن تسحب الدخان اللي في
الحجر بتاعها "

نظر حيدر إلى الأرجيلة متفحصاً ثم قال: ... " بس أنا مش
شايف حجر إنتم بتستخدموا أحجار فيها يعني ... "
عماد ... " لأ مش قصدي حجر. أنا قصدي البتاعة اللي عاملة
زي القمع اللي فوق دي شايفها ..؟؟... "
حيدر " آه.. "

عماد .. " ... أهى دي بنحط فيها معسل وفوقه فحم
فالمعسل يسخن يطلع دخان تشده إنت من (الي) ... أو
الخزطوم عشان عارف هتسألنى يعنى إيه (لي) .. تشد إنت الدخان
بقى ... وتدخله صدرك ... وبعدين تنفخه تاني ... "
حيدر ... " طب إيه الفائدة بقى من البتاعة دي ..؟؟... "

■ ■ خالد احمد

عماد "... ولا أي حاجة ... بالعكس مضرة ... وبتجيب
سرطان ..."

حيدر .. " سرطان ... طب وبتدخنوها ليه ..؟؟؟.."

عماد ... " أهو كيف بقى ... مزاج بعيد عنك ..."

حيدر يضحك مرةً أخرى ... ثم يقول . " إنتم عالم غريبة ... المهم

... أنا كنت جاي ليه ..؟؟؟.. كنت جاي ليه ..؟؟؟. آه .. صحيح ...

افتكرت سامي مش جاي ... " .. قالها حيدر وهو يضع رجل فوق

الأخرى

عماد . " إيه ..؟؟؟.. "

" سامي مش جاي احتمال مش هتشوفه تاني"

ارتجف قلب عماد ... متذكراً جملة بلدوين وتهديده بقتل من يعرف

ما عرفه عماد

" يعنى إيه قصدك إيه ..؟؟؟؟.. "

العملاق مسترخياً في مقعده الخشبي .. " إنت فاهم ... سامي

صاحبك هيلاقوا جثته في حديقة عامة ... أو على طريق من الطرق

الصحراوية بتاعتكم ... أو ممكن يلاقوه متعلق على شجرة

مش متأكد ... عشان أكون أمين"

■ ■ أنا سيكرد

عماد ... وقد بدأت شفتاه في الارتجاف وخرج صوته متشنجاً رغباً عنه .. " يعني إيه هو مين الي مين الي قالك.؟؟؟ إنت عرفت مينين ...؟؟؟..."

حيدر ... " بلاش أسئلة غبية احنا بنعرف الي عايزينه وقت مانعوزه إنت حكيتله وأكد ده ضايق الناس التانيين ومادام صاحبك ماجاش يبقى مات .. المهم تعرف إن مش احنا الي عملنا كده"
عماد ... " أمال مين ..؟؟..."

حيدر ... غامزاً عينه " الناس التانيين مابحبش أكرر كلامي"

لحظات صمت بين عيني حيدر ... وعيني عماد اللامعتين بدموع الخوف والهلع ...

حيدر يهب واقفاً ... "ياللا معايا"

عماد ... "معاك فين ... لا..... أنا مش رايح في حته"

يقترب حيدر من وجهه وعلى وجهه تعبير أخاف عماد ... ويقول " هتيجي معايا ... أنا مابطلبش على فكرة يللا....."

"مش جاي معاك واعمل اللي إنت عايز تعمله ...".
ثم أضاف وقد بدأت تتنابه حالة من حالات الهياج ...
" أنا زهقت منكم ... إنتم عايزين إيه يا ولاد الـ (ملاعين) ... إنتم مين وعايزين إيه ميني".
احتدت ملامح حيدر من الغضب ووضع قبضتيه أمامه على منضدة المقهى ... إلا أن عماد استمر ...
" يا عم اعمل اللي إنت عايزه ... أنا ما بخافش أنا من القلعة يا ض دانا أدفك هنا".
بدت عبارته الأخيرة بلهاء .
احمرَّ وجه حيدر وانتفخت فتحتي أنفه وهمَّ بإمساك عماد الذي لم يتوقف عن هياجه وسبابه إلا أنه تذكر ما فعله بالمقهى الأول وتذكر أيضًا أوامر سيده (عوض) فتراجع خطوة للوراء أمام أعين رواد المقهى المندهشين مما يرونه ثم رمق عماد بنظرة باردة ثم خرج من المقهى ارتفع صوت أنفاس (عماد) من الانفعال التقط هاتفه اتصل بصديقه (سامي)
جرس ... جرس ... جرس جرس لا رد ...
"رد يا متخلف إنت كمان مش ناقصة برود".
يحاول مرةً أخرى ... مرةً أخرى ... مرات عديدة لا رد

يتنفض سامي من فراشه "إيه فيه إيه إيه يا عم
....."

يقف سامي بنصف وعيه ... بفانلته الداخلية على فراشه ... ممسكاً
بوسادته التي كان يحتضنها كسلاح ضد مقتحم غرفته .. عماد ..
الذي يقف بدوره على باب غرفة صديقه ... لاهثاً ... مبعر الثياب
من أثر الركض المفاجئ العنيف

تلحق بهما السيدة العجوز ... تنظر لكليهما تضيق عينها
... تمط شفيتها قائلة .. " أنتم إتجنتم؟؟ ... ".....

بعد نصف ساعة كان عماد جالساً - بعد أن هدأ الجميع - في
غرفة صديقه ... ممسكاً بكوبٍ من الشاي ... فاردًا قدميه على
الفراش أمام سامي الذي أفق من نومه بتلك الطريقة العنيفة
... والذي استوعب إلى حدٍّ ما لماذا قام صديقه بهذا الاقتحام

عماد " بس إنت يا سامي يعني ... فيه حاجة اسمها منبه لو
كنت صحيت في ميعادك وجيت القهوة .. ماكنش حصل كل ده ...
منظري بقى وحش أوي قدام أمك ".....

سامي ... " خلاص يا عم فيه إيه معلش ... هي متعودة على
هبل أصحابي المهم ... اللي إنت قلته عن مقابلة التين آلي

■ ■ أنا سيكرد

اسمه حيدر ده يقلتو والموضوع كده وسع قوي ... لازم نروح
لحد "...."

عماد ... "لحد مين ..؟؟.." ..

سامي يرتشف بعضًا من شايه .. "سلوووووف ... هيسيسيسيح ...
يابويا عاجمال البوليس يا حبيبي"

عماد ... "آه ... ماشي ... هروح حاضر ... هروح وأقولهم .. مساء
الخير ... حضرتك أنا أول إمبراح كنت إنسان عادي جدًّا ...
وخلال يومين حياتي اتشقلت وعائز أقدم بلاغ في جماعة فايكنجز
وحشين ... كلهم شبه بعض .. طوال وعراض ... وشعرهم
أصفر ذهبي وعينهم زرقا ... ماعدا الأقرع اللي اسمه ماندولين
... ماعندوش شعر ... وكل حريمهم حلوين ... وبيتحبوا من
صوتهم ... ويبجروا ورايا عشان يضموني لفريق ألعاب اسمه
مجلس الحكمة ... أو دار الحكمة مش متأكد ... ومسميني
"سيكرد" ... وكل ده عشان خاطر شجرة جميز باين اسمها
يغدراسيل ... وده قبل اكتمال القمر يعني بكرة بالليل ... صح
...؟"

■ ■ خالد احمد

سامي .. "لا .. طبعًا مش هنحكيلهم بالسطحية دي
وكمان إنت مواطن عادي هيقدم بلاغ ضد ناس بتضايقه
بس...."....

"لا ... ماعتقدش ده ممكن يوقفهم ... وبعدين أساسًا حيدر ده
مش هيهمه بوليس وبتاع ده ممكن يلعنى جوا القسم"....
لحظات من الصمت وفجأة سامي "أيوه ... استنى ...
فاكر الواد لؤي ... لؤي مجدي .."....

"آه طبعًا هنسأه ازاي ...؟؟؟... ".... تتبدل ملامح عماد
إلى الملل

"أهو لؤي ده هو اللي هيساعدنا ده بقى ظابط في الأمن
الوطني دلوقتي ..."....
يقاطعه عماد ... "عارف ... عارف ..."....

يكمل سامي ... " وبعدين سمعت إنه أخذ ترقية استثنائية عشان
... "....

يقاطعه مرةً أخرى ... "يا عم عارف بس مش هينفع أروحله
والله ..."....

■ ■ أنا سيكرد

(قال) سامي مندهشًا.... "ليه.... فيه إيه؟؟.... فيه مشكلة واللا إيه...."

عماد.. "لا... بس.... كده يعني..."

سامي... "مالك يا ابني.... إنتم متخافين واللا إيه...؟..."

عماد... "لأ... بص... هقولك... احم... إنت عارف إني كنت خاطب قبل كده... صح...؟؟..."

"آه.... وفسخت عشان البت كانت بتحشش باين... مش كده...."

عماد.... "لا مش دي... كان فيه واحدة تانية قبلها... كنت متليل وخاطبها...."

"... بجد...؟؟.. ولا أعرف حاجة عن الموضوع ده... إنت خطبت مرتين.. آه يا فاشل.... وسيبتها ليه... بتحشش برضه...؟؟..."

عماد... "لا يا خفة.... بس ماكنش فيه توافق في الشخصيات.... كانت عايزة تعيش جو دلع وأنا ماكتش فاضي...."

سامي.. "يا عم تلاقيك إنت اللي كنت قفل.... المهم إيه علاقته ده بموضوعنا....؟؟..."

عماد ... " أصل اللي كنت خاطبها ... احم كانت أخت لؤي
..... يعني لؤي يبقى أخو الـex من الآخر كده ... ومن ساعتها
وهو قافش مني شوية ... "....

ينظر إليه سامي ثم ينفجر ضاحكًا " نياهاهاهاهاها عليا
النعمة إنت مسخرة ... فقر يابني طب بص... عادي ...
ماعتقدش إن لؤي مخه صغير للدرجة دي "...

عماد " مش عارف مش واثق الصراحة ... "....

سامي .. " يا عم إنت مالکش دعوة ... أنا هكلمه وأقوله
عايزين نقابلك هظبطلك أنا الحوار ده المهم دلوقتي
أنا مش عايزك تروح تنام لوحذك هتبات هنا معايا "....

يقف عماد .. " يا عم لأ.... وبعدين يعني هما لو عايزين يعملوا
حاجة ... إنت والحاجة هتمنعوهم مثلاً خالص أنا هتكلم
على الله وكلمني بكرة ... قولي هنعمل إيه مع لؤي أنا
رايح المحطة يلا سلام .. " .. يخرج من غرفة صديقه

مازًا بوالدته التي كانت تنظر إليه بغيظ

"السلام عليكم يا حاجة معلش خضيناكى "....

■ ■ أنا سيكرد

"لا يا أخويا ولا يهملك ربنا يتوب عليكم من اللي بتتعاطوه ده

...الاستروكس بهدل الجدعان"....

عماد.."إيه يا حاجة ..؟؟..."....



(١٤) لقاء الجبارة

جلس (عوض) بجانبه (حب) على منضدة كبيرة في أحد مطاعم القاهرة الراقية ومن ورائهم وقفنا حيدر ومنصور الذي قابلناه في فيلا المعادي من قبل ... كانوا جالسين منتظرين الطرف الثاني من المقابلة ... نظرت حب إلى ساعتها قائلةً ..(قتلك مش هيجوا ... أنا متأكدة...).

نظر إليها عوض ... ثم ابتسم وقال .. " مايقدرش ماجيش ... بالعكس ده هو اللي كان مستني المقابلة دي وصدقيني لو مجاش ... هو اللي هيخسر " ... لم يكديكمل جملته حتى دخل إلى المكان العملاق بلدوين تصحبه ميركا ومعها عملاقين آخرين

ابتسم في وجه عوض ... وجلس إلى الطرف الآخر من المنضدة مع ماركا الجميلة

ثم قال وهو يخلع قفازيه: .. " هاااح ... عزيزي هيلدر الجميلة لوفن قد إيه أنا فرحان إني شايفكم عاملين إيه ...؟... "

■ ■ أنا سيكرد

عوض ... " بلدوين ازيك سعيد إنك لبيت الدعوة
... "....

بلدوين .. "وهو أنا كنت أقدر أرفض دعوة صديقي ... وشريكي
القديم؟؟؟" ..

عوض ... " ياااه فاكر لما كنا بنشتغل مع بعض ... ماكنش حد
بيقدر يقف قدامنا كنا مسبيين رعب لكل القبائل" ...

بلدوين ... "فاكر طبعًا... فاكر إنت لما واجهت الأخوة الأربعة
أولاد زعيم وادي التنين بسيف واحد وإيدك الثانية كانت مجروحة
....." ...

عوض ... " طب إنت فاكر لما خلليت وحش بحيرة الشمال ييلعك
عشان تحيب البوق الذهبي من جوا بطنه ... " ...

بلدوين ... " .. أووووه عزيزي ... ماتفكرنيش ... كانت تجربة
لزجة هاهاها..." ..

وارتفع صوتي العملاقين بالضحك مع بعضهما البعض بينما لم
تتوقفا لوفن وماركا عن النظر لبعضهما البعض بتحدي سافر
مما جعل بلدوين يقول .. " أووووو لوفن حبيبتى أنتي

لسة بتكرهي بنت أبيكى ماركا ..؟؟... طب لو ماكنتش أختك ...
من عصبة دمك ..؟؟؟.. كتي عمليتي إيه ؟؟؟....."

تجاهلته حب ... ولم ترد بل وزادت جرعة المقت في نظراتها لأختها
... مما جعل عوض يقول .. " سيبك منهم خللينا في المهم ...
أنا جاي النهاردة ومعايا عرض كويس ... ننهي بيها خلافتنا ونبدأ
فيها صفحة جديدة"

قال بلدوين ... مبتسماً في نعومة: .. "انفضل قول كلي
أذان صاغية..."

عوض " احنا بقالنا سنين طويلة بنتصارع وفريقك قتل
ناس كثير من عندي وفريقي قتل كثير من عندك الضحايا مش
هيخلصوا ... بس لو اتحدنا وبقينا فريق واحد ... مش هيبقا
فيه انقسام في مجلس الحكمة وهنقدر نحضر سيكرد للتضحية
التانية وأودين يعطينا كلنا السلطة ونحكم العالم"
بلدوين يتراجع في كرسيه ... " جميل حلو طب ومين
ساعتها هيكون رئيس المجلس؟..."
عوض فاردًا لظهره ... " ده عبء أنا مستعد أتحملة ..."

■ ■ أنا سيكرد

تضحك مارك ضحكاتها المائعة الساخرة ... فتتنظر إليها لوفن وقد
اشتدت يداها على مفرش المنضدة من الغيظ...

وقال بلدوين ... " هيلدر حببيي ماعتقدش إن عرضك
الكريم هيتفق مع طموحاتي وطموحات فريقتي إحنا الاتنين
واخذين نفس الفرصة المتساوية ومن العدل إننا على الأقل
نستفيد من الفرصة دي"....

عوض و قد بدأ وجهه يفقد صفاءه ... (" مع الأسف واضح إن
ذاكرتك لسة ضعيفة بلدوين لولايأ كان زمانكم شوية رماد
متبعتين على جبال إسكندنافيا ... أنا اللي قدتكم للفوز في العديد
من المعارك تحت راية أودين ... فاكرو ولا لأ؟؟؟..."....

قاطععه بلدوين .. " مش عشان بتحبنا علشان محتاجلنا بس
لازم تعترف ... إنك أناني ودكتاتور ونرجسي مابتشوفش
نفسك غلطان ... وبسببك أسرنا "سيلاك" زعيم قبيلة الرون ...
وكنت مصمم تضحني بيه والنهاية إيه إتشتنا ووصلنا للي
احنا فيه..."....

ومن بعيد وقف خادماً المطعم مع مديره قائلاً " أنا فعلاً مش
مستريح للجماعة الخواجات دول عاملين زي بتوع عصابات
المخدرات في أفلام الأكشن"

المدير ... "مالناش دعوة المهم يدفعوا الحساب ويسيوا
tips كويس بلاش تنبر فيها بقى خللي الحال يمشي
....."

نظر إليها بلدين ثم عاد إلى عوض . ".... ما اعتقدش إننا
هنوصل لحاجة بالمقابلة دي وخصوصاً الناس ابتدت تستغربنا
.... يلا ... سلام وادفعلهم tips كويس هما متوقعين
ده ..."

نهض بلدين وجماعته وانصرفوا جميعاً نظرت حب إلى عوض
قائلةً .. "هنعمل إيه ...؟...."

عوض وقد ضغط على أسنانه البيضاء حتى صدر منها
صوت... "عماد لازم يكون معانا الليلة وجاهز للتضحية

لإما نقتله"



(١٥) عند لؤي

جلس عماد في سيارة سامي الصغيرة والتي كان يقودها الأخير في
استهتار جميل غير عابئ بقواعد الأمان والسلامة

" يا ابني حرام عليك هتموت حد إنت حمار ليه
.....؟؟؟....."

سامي .. "بس يا ض ...هنترك وبعدين هنتأخر على ميعاد
لؤي فاضل ١٠ دقائق ..."

عماد .. " صحيح ... هو مقالكش حاجة عني لما قولتله إني
جاي معاك ..؟؟....."

سامي ... " لا خالصعادي جدًا والدنيا حلوة يا
ابني تلاقي البت أخته نسيك ولا في الدماغ ... إنت بس اللي

حساس يا عين أمك شفت الحمار ده بص بيكسر ازاي
.... طب أهو "..... وانحرف سامي فجأة ناحية اليمين ليرعب

قائد السيارة الذي ضايقه منذ لحظات فارتفع صوت الرجل
يسب سامي بأمه فبادلته سامي بأبشع منها

■ ■ خالد احمد

عماد ... " يا ابني إنت دكتور في الجامعة
دكتورووووور...عاجبك يعني أمك اللي بقالها ساعة بتتشم من
طوب الأرض دي ؟؟؟ " ..

سامي ... " اسكت إنت ... هو ده اللي ينفع مع العالم دي دلوقتي
..... "

ثم ظلّ يقود سيارته ... وينحرف بها .. فيضايقهم ويضايقوه ...
فيسبهم ويسبونه ... حتى وصل إلى القسم الذي يعمل به صديقهم
لؤي

وعلى باب مكتبه ... استرجع عماد كل كلماته القاسية التي تخلو من
كل ذوق والتي قالها لخطيبته السابقة .. أخت لؤي ... ظابط
المباحث... (يا لهوي ..) ...

".. أهلاً!!!!!!!!!!!!!!!!!!!!!! ازيك أسا!!!!!!!!!!!!مي عامل إيه يا دكترة
..... ازاى الحاجة "

سامي ... " ازيك يا لؤي باشا ... عامل إيه ؟؟؟ ... "
"لؤي باشا مين يا عم مفيش الكلام ده ..؟؟؟..... وإنت
ازيك يا عمدة عامل إيه ..؟؟..... "

عماد مرتبگًا ... " الحمد لله ... ازيك إنت يا لؤي ...؟؟..... "

■ ■ أنا سيكرد

لؤي ... " أنا كويس الحمد لله والله ... أنا متابعتك على كل يوم
وبقول لأصحابي في القسم إنك صاحبني على فكرة " ...
عماد ... " ليا الشرف طبعًا كلك ذوق والله " ...
(قال) لؤي ضاحكًا: ... " ليا الشرف طبعًا ؟؟؟ ... إيه يا ابني
الرسميات دي مالك ياض ماتفك كده ... " ...
عماد متنحنحًا لا يجد ما يقوله من الإحراج فيسبقه سامي
... " المهم بقى يا لؤي ركز معانا كده في اللي عمدة
هيحكهولك عشان الحوار منيل شوية ... وعازير منك خيال
واسع شويتين ... " ينظر له لؤي " احكي يا باشا
سامعك " ...
ظلل لساعتين عماد يحكي للؤي ما حدث بالتفاصيل المملة
وقص عليه ما بدر من فريقتي العمالقة خلال اليومين الماضيين ...
وكان لؤي صامتًا ناظرًا في عيني عماد محاولًا اكتشاف إذا
ماكان كاذبًا أو مجنونًا ...
انتهى عماد من السرد التفصيلي للأحداث منتظرًا الرد فعل لؤي
.... الذي حرّك عينيه بين وجهي صديقيه أمامه مرات عديدة قبل
أن

" طيب يعني يا عماد إنت كده مُطارَد من مجموعة من العمالقة
..... اللي عايزين يجندوك؟؟؟ لغرض اكتمال مجموعة ما صح
...؟؟..."

عماد " يعني آه ممكن تقول كده ... " ...
لؤي ... " أوووووك.... ممممم طب بص يا عمدة أنا
هكذب عليك لو قلت إنى مصدقك وده برضه مش معناه إنى
مكذبك!!..."

سامي يضحك ... " آمال إيه قصدك إيه يعني ...؟؟..."
لؤي ... " يعني ساعات كده العباقرة الإعلاميين من كتر
الاحتكاك بحكايات الجمهور عقلهم بيشت شوية " ...
عماد في إحباط ... " يا عم لا ... إيه ده ..؟؟.. أنا هيتهألى كل ده
يعني وبالتفاصيل دي وبعدين اسأل سامي " ...
سامي بيتسم ثم يفتح فمه ليقول شيئاً ثم يتراجع ... ينظر لعماد
... " الحقيقة يا عمدة ... أنا ماشفتش حاجة أنا بس سمعت
منك أنا مصدقك أنا فعلاً ماعشتش معاك حاجة من
اللي إنت قلتها "

■ ■ أنا سيكرد

عماد ينظر إليه يصمت قليلاً متفكراً ... ثم يهتف ... "طب والقهوة...؟؟؟".

(قال) لؤي متسائلاً... ("...قهوة إيه...؟؟؟...")

عماد "القهوة اللي قتلتك إن "حيدر" دغدغها أكيد طبعاً مش هخترع حاجة زي دي البوليس جه وحقق مع الناس والشهود وإنت بتليفون تعرف كل حاجة صح...؟؟؟"....

تنهد لؤي ... ".....أووووووووووك....استنى....."
يمسك بهاتفه ينشغل بمكالمة زملائه ليميل عماد ناحية سامي ... "تصدق إنت عيل ندل تبغني كده في ثانية...." ...
سامي "يا عم أبداً..... بس فعلاً أنا مشفتش حاجة من دول كل اللي اعرفه إنت حكتهولي ومع ذلك أنا معاك يابا عماد "ماشي ياخويا جدع"

لؤي مُنهيًا حديثه الهاتفي مع زميلة في الطرف الآخر... "مم... مممم... ماشى ... أيوة ... أيوة ماشي يا حسن بيه ... ألف شكر... ليلتك فل ..."

ينظر إليهما لؤي ... " بص يا عماد مش عارف أقولك إيه ...
بس آااا... الحقيقة إن أقوال الشهود اللي كانوا في القهوة أكدوا
كلامك ... فعلاً كان فيه معتدي عملاق .. بنفس المواصفات اللي
قلتهالي فآااا.... أوك يا عماد لنفترض إن اللي قلته فيه
شئ من الصح إنت عايز إيه ...؟.... " ...

عماد "آخذ الإجراءات القانونية"
لؤي "أيوة إيه بقى إجراءات إيه هتقدم محضر ضد
مين ...؟.... "

عماد ... " الناس اللي قتلتك عليهم !!!..... "
لؤي " ماشي يادي النيلة وهتقول إيه في
المحضر...؟؟؟.... عايزين يخطفوك عشان تكمل مجلس البتاع
...؟؟؟.... "

عماد ... " مجلس الحكمة "
لؤي " مجلس الحكمة يا سيدي مفيش تهمة مسوكة....
مش منطقية... "

تدخل سامي "لؤي احنا جاين عشان تساعدنا... بأي
طريقة بقى... بمحضر رسمي بالحب..... ظبطنا بأي طريقة

■ ■ أنا سيكرد

(قال) عماد نافخاً... " يا لؤي أنا مش عايز أضايقك بس حرفياً أنا اتبهذلت آخر بهذلة... أنا حاسس إني في لحظة هتخطف وهيغتصبونى"....

(قال) لؤي "ضاحكاً".... " يغتصبوك ..؟؟.. يا نهار أبيض طيب اهدى كده.... إيه رأيك تاخذ أجازة من الشغل وتسافر لحتة بعيد يومين تريح فيهم أعصابك.... وأنا واثق إنك هتيجي هادي و... مفيش حاجة... " ...

عماد وقد بدأ ينفع قليلاً.. " لؤي .. إنت برضه فاكرني بهذي؟؟؟... حتى بعد ما زميلك أكدلك والله العظيم أنا نفسي مستغرب اللي بيحصل يا لؤي أنا أعصابي ابتدت تتعب بجد

لؤي محاولاً تهدئته... " طب.... اهدى يا عم ... اهدى بس ... بص خللينا ناكل الأول.... أنا مأكلتش من امبارح.... تاكلوا إيه؟؟؟؟..... تاكل كفتة؟؟؟؟".....
عماد.... (كفتة...؟؟؟؟).....



(١٦) الهجوم

خارج القسم اصطف خمس من العمالقة ... فاردين قاماتهم
.... مستعدين للقتال ... وقد توسطهم حيدر ... ووقف على يمينه
شوقي بابتسامته السادية

وبلا وعي ابتعد المارة عن طريقهم كأنها تولد لديهم إحساس
بأن هذه المجموعة مقدمة على شيء غبي... عنيف وهذا ما
تأكد الجميع منه عندما تحركوا فجأة وبسرعة تجاه القسم

تحركوا جميعاً في خطوات واسعة ... سريعة ...

"أيوة يا باشا بطاقتكم...؟؟؟..."

كانت هذه من حارس القسم (الغلبان) الذي وجد نفسه ممسوكاً
بقبضة حيدر القوية ... مرفوعاً من الأرض..... ملقياً بعيداً في
الشارع..... ليكسر بعضاً من عظامه ...

وكانت هذه إشارة بدء الفوضى

"اثبت يله اثبت بقولك...آآآآآآآآه..."

انتشر العمالقة بداخل القسم ... محطمين من وما يقابلوه ... مخلفين
وراءهم العديد من المصابين والقتلى للأسف

في سرعة وبلا أدنى شفقة

" اضرب في المليان كله يضرب في المليان "

انطلقت أصوات الرصاص لتدوي في أرجاء المبنى المغلق

" اضربوا نار كثير.... مايموتوش... مايموتوش.... "

ومن داخل غرفة لؤي انتفض الثلاثة رجال عند سماعهم

لأصوات المذبحة بالخارج

وفي هلعٍ قال عماد ... " إيه ده... فيه إيه ده هجوم

إرهابي...؟؟.... " ...

لؤي في توتر.. (يا عم إنت فاكر نفسك فين هنا؟؟... إنت في وسط

البلد هنا استنوا هنا ... محدش يتحرك.... " ... قالها وانتزع

مسدسه الضخم من جرابه ... فتح باب الغرفة ... اندفع خارجًا

... شاهراً مسدسه

أغلق سامي الباب وراءه "فيه إيه يا عماد.... فيه إيه ..؟؟... "

عماد ... " إنت بتسألني مانا متنيل قاعد معاك هنا أهو.... أنا

مش عارف إيه اللي بيحصلي اليومين دول ... " ... ثم انتفض

الاثنان في وقتٍ واحدٍ لدى سماعهم صراخٍ طويل

■ ■ أنا سيكرد

عماد بصوت مختق ... " طيب ... مفيش باب خلفي نهرب منه...
أي شباك "

لؤي ... "مفيش والشبايبك كلها حديد بس هنتصرف
.... تعالوا معايا ..." قالها وفتح الباب ببطء ليمد رأسه
خارجًا ... ثم يشير إليهما ليتبعوه يخرجوا وراءه بأرجل مرتعدة
... و آذانهم تكاد تصيبيهم بالصمم من أصوات العراك يجري
الجميع لعكس اتجاه الصوت يصلوا إلى غرفة ما في آخر الطرقة
.... غرفة الحجز ... ذات باب مصفح ... يقف عندها حارس
مفزوجًا مما سمعه من أصوات الرصاص

لؤي ... " افتح الحجز يا عسكري " ...

الجندي ... " تمام يافندم هو فيه إيه سيادتك ..؟؟ .. " ...

يتجاهله لؤي ... ليلتفت لصديقيه .. " .. بصوا .. الباب ده عايز
مدفع دبابة عشان يفتحه ... خشوا هنا ... وهتكونوا في
أمان..... " ...

عماد .. " مع المساجين ..؟؟ .. لا هروح لحيدر أحسن ... " ...

■ ■ خالد احمد

سامي صارخاً... " يا عم اخلص إنت مش سامع فيه
ناس بتموت برا ادخل ... يخرّيت معرفتك.... عيل فقر
... " ...

لؤي يدفعها بالداخل يغلق الباب.... يترك الجندي ثم
يتأكد من فتح صمام أمان مسدسه ثم يجري باتجاه الصوت
صوت الرصاص



صوت احتكاك الصخور ببعضها بعضًا...

الصخرة تتزحزح من مكانها

الغبار يملأ المكان الكهف يفتح ...

ومن داخل الكهف أتى الصوت ...

" ادخلا!!!"

كان صوت عميق ... كأنه آتٍ من قلب الأرض نفسها

نهض العملاقان وخطوا داخل الكهف توقعوا أن يكون

مظلمًا ... ولكن لدهشتها وجدا أنه مضيء بالمشاعل المعلقة على

جوانب الكهف وثنائياه المكان مليء برائحة عطرية جميلة ...

ومن مكانٍ مجهول أتت موسيقى وترية جميلة... هادئة.....

استمرًا في السير الحذر حتى وصلا إلى ما يشبه المكتبة البدائية

العملاقة

لا يوجد أرفف ... بل فجوات في جدران الكهف العملاقة

مئات الفجوات بها الآلاف من المخطوطات والأوراق

القديمية ... وشديدة القدم ...

نظر هيلدر إلى بلدوين وقال: " ماذا الآن ..؟؟... هل نتقدم أم

نتنظر ..؟؟؟..."

■ ■ أنا سيكرد

قبل أن يجاب سؤاله ... انتفض بلدوين عند سماع صوت قويّ
يتردد في جنبات الكهف ...

" ماذا يريد الضيفان ؟...؟... "

نظر هيلدر إلى بلدوين في خوفٍ غير مناسب مع هيئته العملاقة
على الإطلاق ... ثم بدأ في البحث عن مكان هذا الصوت في جميع
أنحاء الكهف

ثم تكرر السؤال مرةً أخرى بصوت أعلى .. " ماذا يريد الضيفان
...؟... "

بلدوين .. "نريد مساعدتك سيدي حارس الصخرة العظيم ... " ..
لحظات من الصمت ثم ارتفع صوت زحزحة الأحجار عن
مكانها لتنتفح فجوة عملاقة في إحدى جوانب الكهف
ليخرج منها كمية كبيرة من الأتربة والتي جعلت الرؤية
مستحيلة ...

ومن بين الأتربة ظهرت قدمان ... لا نستطيع وصفهما
بالعملاقين كانتا تخصان كيانٍ ما جعل العملاقين بالقزمين
أمامه

اختفت الأتربة ليظهر صاحب هذا الكيان هالفارد
حارس الصخرة

كان ذا لحية بيضاءٍ طويلة ... طويل الشعر ... وكان أكبر حجماً من
العملاقين مما جعلها يرجعان للوراء في خوف ... ظلَّ يخطو ببطء
حتى وصل إلى صخرة كانت تتوسط المكان وفي هدوءٍ نظر
إليهما ... ثم قال بصوتٍ قويٍّ عميق :

" أي مساعدة ترجوان تكلم أيها العبدان ...؟؟" ..

هربت الكلمات من على لسان هيلدر فنطق بلدوين وقال :
" نريد القوة ... نريد المدد فقد غزانا أعداؤنا قبيلة الرون
... قتلوا الكثير ولو لم تساعدنا انقطع أثرنا للأبد ولن
يكون هناك ما يُسمَّى بمجلس الحكمة بعد ذلك ... " ..

انطلق هالفارد يضحك بعنف لتهتز جدران كهفه الهرمة ... " ولماذا
تظن أنني أكثر ث ... أو حتى أفكر وللحظة بمساعدتك يا هذا .. " ..

" أنا أقدم منك ... "

" ومن قبيلتك ... "

" ومن مجلس حكمتك هذا " ..

■ ■ أنا سيكرد

سكت بلدوين لبرهة ... ثم قال " سيدي حارس الصخرة ... أعلم أنك لا تهتم بشأن من هم أقل منك ... فأنت الأخير من نوعك ... وحياتنا أو موتنا لن يفيدك في شيء ... ولكن ... "

هالفارد .. " ولكن ماذا أيها العبد ... " ...

بلدوين ... " ولكن يمكننا تقديم ما تريده منا فنحن طوعك ورهن إشارتك ... " ...

عادت ضحكات هالفارد تدور في أركان الكهف مرةً أخرى " ما أريده أنا أريد منك .. أنت ؟؟؟؟ " ...

بدأت دقات قلب هيلدر في العلو ... وقال بلدوين .. " نعم .. لا أعني أنك تحتاجنا ... ولكنني أعني أنه من الممكن وجود شيء ما لا تستطيع الحصول عليه بمكوئك هنا ... ويمكننا الحصول عليه من أجلك ... " ...

نظر إليه هالفارد بعينه العميقتين الواسعتين وقال: ..

" حسناً ... يمكننا التفكير في شيء ما ... شيء يبدد الملل الذي يغلف حياتي ذات الألفي عام ... "

ثم ابتسم ... " شيء يمكن لعملاقين القيام به " ...

" عملاقان مقاتلان .. " ..

■ ■ خالد احمد

" عملاقان صديقان " ...

ثم أكمل في صوتٍ منخفضٍ زرع فيهما التوت ... " أو كانا صديقين
... " ...

ثم رفع رأسه عاليًا ليضحك كالشيطان مرةً أخرى



(١٨) آ!!!!!!!!!!!!!!!!!!!!!!!!!!!!!!!

دفع لؤي صديقيه (عماد) و(سامي) داخل زنزانه الحجز بالقسم ...

بغرض حمايتها من الصراع الدائر بالخارج

وما إن دخلا غرفة الزنزانه حتى أصابها نوعاً من أنواع العمى

المؤقت ... بسبب تفاوت الإضاءة ... فبالداخل كانت الغرفة شبه

مظلمة ... ولم يميزا شيئاً بالغرفة ... إلا أن هذا لم يخيفهما أكثر مما

كان يحدث بالخارج فقد ارتفعت أصوات القتال بشكل مبالغ

فيه ...

صراخ ..

استغاثة ..

تحطيم ..

نيران ..

حتى قال سامي بصوتٍ مرتعدٍ من الانفعال .. " عماد فيه إيه

...؟ .."

عماد في عصبية .. " هو أنا مش معاك في نفس الزفت ولا انت مش

واخذ بالك ..."

سامي بدأ في علو الصوت .. " أنا كان مالي ومال الهبل ده ... إنت السبب ... إنت السبب ... " ...

عماد ... " مش وقت ولولة و حياة أمك الغالية ... استنى لما نخرج ... ده لو خرجنا يعنى ... واقطع علاقتك بيا ... " ...

فجأة وضع أحدهم يده الثقيلة على كتف سامي ... " هو فيه إيه يا نجم ... الدنيا عوق ولا إيه ..؟؟؟ " ...

سامي يتنفض .. " إيه يا عم ... مش ناقصاك دلوقتي ... ابعده عني بابا ... " ...

اقترب منه صاحب اليد الثقيلة .. " ما بوورراحة يا جتتل .. كلنا عدل ... ماتتشنجش علينا ... " ...

صرخ سامي وقد بدأ في فقد ما كان يُسمّى بأعصابه .. " يا عم غور في داهية واترمي في أي حته لما نشوف المصيبة اللي احنا فيها دلوقتي ... مش ناقصة غياب ... " ...

هنا جذبته عماد من قفاه في قوة .. وذلك عندما رأى مجموعة من نزلاء الزنزانة الكرام ... يهبون على أقدامهم ... لمؤازرة زعيمهم - صاحب اليد الثقيلة - ليدافعوا معه ضد إهانة سامي له ...

■ ■ أنا سيكرد

"آآآآآآآآآآآ آه يا كفرة ... آآآآآآآ آه ... ضهرى يا مفترين ... ضهرى يا
أماآآ... أنا صحبى ظابط وهبهلكم كلكم " ...
نظر حيدر الذي كان في مقدمة مجموعته إلى النزلاء الواقفين أمامه
... وإلى عماد وسامي الملقين على أرضية الزنزانة ثم خطا إلى
الداخل ليعترض طريقه أحد المهاجمين قائلاً
"إنت مين أباشا...؟؟؟...؟..."

نظر إليه حيدر .. ثم فجأة وببدي واحدة أمسكه من رقبتة ... ثم
لواها .. لسمع الجميع " كررريك .. " .. صوت كسر الرقبة ... ثم
ألقاه جانباً كوسادة القطن ... هنا انطلق الهلع يعربد في قلوب
الجميع .. حتى سامي الذي أصبح كسيحاً .. قام وبدأ في القفز على
قدم واحدة ... هي ما تبقى له كعضوٍ عامل بنسبة مقبولة في جسده
....

أما عماد فقد حاول حشر جسده وسط الجموع الهاربة من باب
الزنزانة الضيق إلا أن يداً من حجر ... أمسكته من قفاه ورفعته
عالياً لتقذف به مرةً أخرى إلى داخل الغرفة السعيدة ...
ليصطدم بالأرضية الصلبة مرةً أخرى ويصرخ في ضعف قائلاً: "
آآآآآآآآآآ آه يا لهوي يا اما ... حرام عليكم ... " ...

■ ■ خالد احمد

أما منصور فقال لحيدر صاحب اليد التي قذفت بعماذ: " إيه ده؟؟؟
إنت عايز تموته عوض قال يبجى حي ... لو قدرنا نجيبه حي
....."

نظر له حيدر في تحفز ... " إيه؟؟؟ ما هو لسة حي اهو .. عوض
قال نجيبه حي ... بس ماقلش سليم ولا مكسر .."
برعي وقد وقف بينه وبين عماد ... " حيدر... ده مش زينا .. مش
هيستحمل خبطة تانية منك يالا نمشي ..."
في ضيق نظر حيدر إلى عماد، ثم قال: .. " ماشي يللا بينا
.."

ثم أشار إلى أحد العمالقة ليحمل جسد عماد الذي بدا كمخلي من
عظامه (بانيه) كما يمكن تخيله ... ليرفع عماد على كتف أحدهم
بكل سهولة ..

وفي طريقهم للخارج صُدم عماد مما رآه.... دخان كثيف مختلط
بالأتره في كل مكان... حطام ... ومصابين....

" يا حبيبي يا لؤي أنا السبب .." ... هكذا هتف في سره قبل أن
يفقد وعيه ..



(١٩) يا عماششششش...

نفس الشجرة نفس السماء الحمراء عماد يرى نفسه واقفاً وحده تحت هذه الشجرة الوحيدة ... وحده ... هذه المرة لا توجد حب ... هو وحيد وخائف ... لكن مهلاً ... هناك أحد ما قادم ... من هذا؟؟ بل من هذه؟؟ حب؟؟؟؟ لا ... لا ... إنها نبيلة ... قادمة من بعيد ... ترتدي زي غريب يشبه ما كانت ترتديه فتيات الإغريق قديماً ... حسناً ... نبيلة تقترب ... تتكلم ..

" إيه يا عماد مش هتفوق من اللي إنت فيه ده؟؟؟.."

عماد .. " هو إيه اللي أنا فيه ..؟؟؟؟ أنا مش فاهم حاجة يا نبيلة ..!!!"

نبيلة .. " لا يا عماد إنت ذكي .. ولو فكرت شوية كمان هتفهم كل حاجة"

عماد .. " طب احنا فين ..؟؟؟.."

نبيلة .. " إنت في يغدراسيل ... شجرة العوالم ..."

عماد .. " عوالم .. من اللي بيرقصوا في الأفراح دول ..؟؟.."

■ ■ أنا سيكرد

عماد .. "طب ممكن و حياة أمك الغالية المحترمة تفكني ... اسمع
الحكاية واربطني ثاني"

عوض يتجاهله .. " احنا جاين من مكان بعيد ... بيسموه دلوقتي
النرويج ... مكان بارد ... مليون تلج ... كانت حياتنا قبلية
بتحكمها الأعراف والمعتقدات اللي معظمها بتدين بالولاء لأودين
... وكان فيه نوعين من الناس النوع العادي النكرة اللي
زيك وزى باقي شعوبكم في الأرض دلوقتي ... ونوع ثاني ...
قوي أودين كافئهم واداهم القوة الجسدية والعقلية والذهنية
... جنس العمالقة العظام احنا أسياد الأرض احنا كنا
بنسود وهرجع ثاني ..."

عماد .. " ألف مبروك علاقتي أنا إيه بقى ..."
عوض .. " وكان من أهم طقوسنا لإرضاء أودين ... عقد مجلس
الحكمة برؤسائه السبعة ستة حاضرين ... والسابع هيضحى
بنفسه ... وزى مانت شايف احنا الستة حاضرين أهو و
فاضل السابع .. اللي هيضحى بنفسه ... دلوقتي .."
عماد ... " وطبعًا السابع ده أنا ..."

برعي .. " ..إجابة صحيحة أنت السابع ... والسابع أنت ...

إنت من يتم التضحية..... التضحية بك تمام... و.. " ..

عماد بمللٍ شديد... " يا عم إنجز بقى ... إنجز بقى ... ده أنت ممل
وسخيف..... " ..

(قال) برعي غاضبًا.. .. " سأذيقك من العذاب ألوان...
وآلاء..."

قاطععه عوض ... " ..بسسسس... مش عايز لعب عيال
يللا عشان نجهز ونبدأ طقوس التضحية ... " ..عماد ... " يا
عم عوض أنا كنت بقول عليك إنت العاقل اللي فيهم طلعت
إنت اللي بتسخنهم على الهبل ده هضحى بنفسى ليه يا مهزء
إنت " ..

عوض غير مهتم بالإهانة .. " .. آخر مرة كان سيكرد بيقدم فيها
التضحية... حصل تدخل من بعض الهمج.... وللأسف فشلت
عملية الانتقال ... ودي كانت كارثة ... واضطرينا نطلب المساعدة
من شخصٍ ما... كان هو السبب في مشكلة جديدة حصلت "
قالها عوض ثم رجع بذاكرته للوراء ... ليتذكر..... !!!



(٢.) الموافقة

ظلّ هالفارد يضحك كالشيطان لدقائق ثم توقف لينظر إلى بلدوين وهيلدر بهدوء وابتسامة غير طيبة ثم نهض من كرسيه الحجري ليتجه نحو أحد الأرفف ورائه يحضر زجاجة بللورية كبيرة الحجم تحتوي على سائل شفاف يميل إلى اللون الأخضر يناولها إلى بلدوين الذي أخذها وهو يفكر فيما تحتويه

تكلم هالفارد .. "حسناً صغاري ستشربون من هذه الزجاجة أتم ورفاقكم ... لن يحتاج الفرد الواحد منكم أكثر من نقطتين لينام ..."

هيلدر... " ماذا ينام؟؟؟... لماذا ينام ؟؟... "

هالفارد... " ينام ... كي يستيقظ بديهي ... "

هيلدر .. في توتر وعصبية... " .. ماذا تعني ؟؟... هل تمزح معنا لم نأتِ إلى هنا لكي نشرب الخمر وننام يا هذا "

هنا هبّ هالفارد واقفاً ليتوهج شعره الأشيب وتتسع عيناه كان خيفاً ... وقال بصوتٍ هادر.. " تأدّب يا فتى وإلا جعلتك تنام للأبد ... "

تراجع العملاقان الصغيران للوراء وقال بلدوين ... " معذرة سيدي حارس الصخرة ... هو لا يعلم هو لا يعلم ... " ...
نظر إليهما بحدة ثم عاد إلى مجلسه ... " سيشرّب كل فرد في جماعتك نقطتين لا أكثر ستجعله ينام طويلاً حتى يأتي سيكرد من جديد وتأكدوا وقتها ألا يهرب منكم ... "
بلدوين ... " هل يمكنني أن أسالك ... إلى متى سننام ..؟ ... " ...
هالفارد ... " حتى يصبح سيكرد مستعداً عندئذٍ ستستيقظون وتناولونه ما تريدونه ... " ...
بلدوين ... " .. حسناً نشكرك يا سيدي نشكرك ... " ...
هالفارد ... " هذا بالطبع ليس مجانياً ... يوجد ثمن " ...
بلدوين ... " بالطبع سيدي بالطبع ... " ...
هالفارد " الثمن هو إجابة على سؤالي ... من منكم القائد ...؟؟؟ ... " ...
بوغتا العملاقين بالسؤال فقال هيلدر .. " أنا يا سيدي أنا قائد العمالقة " ...
هالفارد .. " حقاً هل أنت متأكد ..؟ ... " ...
تغير وجه هيلدر أصبح أشد حمرةً من دمائه التي بدأت في

■ ■ أنا سيكرد

القرقعة من الغضب المتصاعد نظر إليه بلدوين ...
خائفاً من أي رد فعل يصدر من موطن الغباء لدى صديقه المندفع
...

هالفارد ... " أنا لا أريد التدخل فيما بينكما ولكنني أعتقد أن
حظوظ بلدوين أفضل كثيراً في قيادة هذه المجموعة "
هيلدر ... " ماذا تعني أنا قائد هذه المجموعة الجميع يعلم
هذا "

هالفارد في ابتسامة غريبة ... " حسناً أصدقك بعض
الشيء ... ففي نهاية الأمر أنت السبب في وجودكما اليوم
فأنت من أسر سيلاك زعيم الرون وأثرت غضبهم حتى
هاجموكم ... اعلم أن هذا لا يعنيني في شيء ... ولكن كما قلت
لكل شيء ثمنه وأنا لا أبيع بضاعتي بالمجان يا هذا "
بلدوين ... " وبماذا تأمر يا سيدي؟؟؟... "

أصبحت ابتسامة هالفارد من أذنه اليمنى حتى اليسرى ليقول ... "
أن تنازلا وبمحض إرادتكما ... "
هيلدر ... " عمّ تنازل ...؟؟... "

هالفارد " عمّا تسمونه ... بالصدّاقة ... بالولاء أو أي شيء من هذا ... " ...

بلدوين .. " معذرة سيدي لا أعتقد أننا نفهمك .. " ..

هالفارد ... " ما أعنيه ... أنكما صديقان خليلان ... قائد ... و تابع وفيّ ... وما أريده هو التنازل عن هذا ... فقط ... لا أكثر ... " ...

هيلدر ساخراً بعصبية " .. وكيف هذا .. هل لهذا طقوس معينة .. " ..

في نصرٍ قال هالفارد .. " لا يا عزيزي الصغير ... فقط ستقولا

نوافق عمّا تعرضه علينا ودع الباقي لي ... " ...

بلدوين وهيلدر ينظران لبعضهما بعضاً... قلقين ... فأسرع هالفارد

وقال .. " .. إذا لم تريد هذا فلا مشكلة ... ولكن سأضطر إلى

سحب ما عرضته من مساعدة ... ومع السلامة ... " ...

بلدوين ... " وكيف سيفيدك هذا يا سيدي ... " ..

هالفارد ... " هذا شأنني أنا وليس شأنك ... " ...

لدقيقة صمت كلاً من العملاقين الصغيرين ثم بدأ هيلدر ... " ..

حسناً ... أوافق ... أوافق عمّا تعرضه علينا ... " ...

التفت هالفرد إلى بلدوين ... " وأنت ..؟ ... " ..

■ ■ أنا سیکرد

بلدوین بصوتٍ منخفضٍ.... " حسنًا .. وأنا أيضًا ... " ...

وابتسم هالفارد

منتصرًا



(٢١) البنطلون لا ...

انطلقت سيارة جيب كبيرة على الطريق المؤدي إلى سفح المقطم بسرعة عالية ... مخلفة ورائها إعصار من الأتربة في عيون المارة على جانبي الطريق ومن داخل السيارة ... ارتفع صراخ بلدوين والذي بدا عصبياً على غير العادة :

" بسرعة يا لوكين ... بسرعة... هيفوزوا بالضحية قبلنا... بسرعة "

لتضغط قدم لوكين العملاق دواسة الوقود أكثر وتطير السيارة أكثر فأكثر حاملة بلدوين وأربعة من العمالقة وماركا الحسنة ...

نحو الفريق الآخر الذي يحتجز عماد في إحدى المناطق المهجورة بسفح المقطم ... آملين في لحاقهم قبل أن يضحوا بعماد ... ليس شفقةً به بل رغبةً في القيام بهذه التضحية بدورهم ... رغبةً في التفوق ... رغبةً في تكوين ما يُسمَّى بمجلس الحكمة هذا رغبةً في إرضاء (أودين) ... معبودهم الوهمي ... ذو العين الواحدة!!

■ ■ أنا سيكرد

وعلى الناحية الأخرى ... ارتفع هلع عماد لأقصى درجاته
عندما رأى عوض أو هيلدر، كما عرف بعد ذلك، وأتباعه من
العمالقة يتوارون لدقائق ثم يعودون مرتدين عباءات من
الفراء ... وقد لَوَّنوا وجوههم بألوان زرقاء في خطوط متوازية ...
ذكروه (بوليم والاس) في فيلم القلب الشجاع ... وفي يد كل
منهم سيف عملاق طويل ... جاهز للعمل عليه!!!!
التفوا جميعاً حوله .. ناظرين إليه بلا صوت ... مهمهمين بكلماتٍ
غريبة لم يفهمها عماد في بادئ الأمر .. إلا إنها بدأت في الوضوح ...
كانت تكررًا الكلمة "سيكرد" ...

... (سيكرد سيكرد سيكرد)....

وهنا تقدم عوض ... بقامته الطويلة ... وبدأ في النداء الذي نادى
به أجداده من السحرة والعمالقة ...

(هأنذا يا أودين .. آآآآآآ....).... وهنا قاطعه "حيدر" ... وقال: "
انتظر يا زعيم مش هينفع نضحى بيه ..."

نظر له الجميع بغضب إلا عماد الذي هتف بصوتٍ مرتعش "
حبيبي يا حيدر ... ربنا يخللك ... أنا عارف إن فيه حد هيطلع

عاقل في الآخر بس بصراحة ماكتتش متخيل إنه إنت
... "....."

وبغضبٍ صرخ فيه عوض ... "إنت ازاي تجرؤ ..؟؟؟... أنا ممكن
اقتلك معاه دلوقتي ... "...

فأسرع حيدر بالتوضيح ... " عفوك سيدي ... اللي أقصده ... إن
احنا نسينا أهم حاجة ... لازم يكون يكون كما ولدته أمه....." ”
عماد و قد اتسعت عيناه في هلع ... ” إيه ... إيه ده ... يعني ايه
لا... لا لا لا مش أنا اللي بتعمل فيا كده... ” ...

ابتسم حيدر في سادية ... وقال برعي .. " صه يا معتوه ... يا أبله ...
من ينل شرف الموت في سبيل أودين ... يجب أن يكون كما ولدته
أمه ".....

عماد "يا عم يحرقك ... ويحرق أودين في يومٍ واحد ... أنتم
مجانين ولا إيه؟" ...

وهنا وبصوتٍ هادر صرخ عوض .. "اخرسوا مش عايز نفس
... سيبوني افكر " .. ثم أضاف .. ” مفيش وقت ”

عماد ... " الحمد لله متشكرين يا رجولة ... " ...
عوض ... " قطعوا هدمه من عليه بسرعة يلا " ...

(قال) بلدوين مبتسماً... " آسف لو كنا بنقاطع لحظاتكم الحميمة
الدافية دي بس للضرورة أحكام... "....
عماد وهو يبكي ويتشنج... " إنت فين يا عم الحنين كانوا
هيقلعوني هدومي و... و... ويدبحوني أبوس ايدك
انقذني منهم ... وهعملك اللي إنت عايزه... "....
بلدوين.... " أكيد هنخلصك منهم يا سيكرد... "..
عماد.. " ما... ماشى سيكرد... سيكرد... مفيش مشاكل ...
بس خلصني منهم "....
بلدوين.... " ماتخافش هنخلصك منهم تيجى معانا ...
تنضم لينا ... ونضحى بيك "....
عماد... " ... ماشي يا عم... اللي تشوفه... بس بهدومي...
....."

عوض في غضب... " بلدوين ... أنصحك ... وللمرة الأخيرة ...
امشي وسيننا احنا نكمل التضحية لأودين وأوعدك ...
هتكون أهم أتباعى "....
بلدوين يضحك.... " هاهاهاهاهاهاهاها... عوض.. اعذرني
...أصلك كوميدي قوي ... إنت متصور يعني إني هوافق أكون أنا

■ ■ أنا سيكرد

وأصحابي هنا من أتباعك زي الكلاب اللي ترميلهم عضمة
وقت ماتحب وترضى .. آسف مضطر أرفض عرضك الكريم
..... ماعتقدش إننا هنقبل نكون في المرتبة الثانية وخصوصاً
.. معاك " ... "

عوض .. " .. يبقى مفيش غير المواجهة " قالها وهو يشير
لفريقه الذي اصطف ... في وضعيات قتال شاهرين سيوفهم ...
بلدوين ... " للأسف " .. أشار هو الآخر لفريقه ليقف في
مواجهة الفريق الأول

اتسعت عينا عماد عندما رأى ما يحدث أمامه ... عندما التحم
الفريقان

صدام العمالقة ... هذا ما رآه وما لن ينساه
(بوووم ... طالاخ كلالاش ... بوم بوم ... تنن ... تننن
.... كريك ... آآآآاه آآآآى ..)

وأكثر ما صدمه ... ليس ارتطام القبضات بالوجوه ...
ولا أصوات الأسلحة المعدنية وهي تشق الهواء ...
بل قوة احتمال هؤلاء القوم ..

■ ■ خالدا احمد

فلو ارتطمت أي يد من هذه الأيدي بالخطأ بعامود في بيت قوي
.... لكسرتة ..

و لكنهم يتلقون ضربات بعضهم بعضًا.... في ثبات ... بل
ويردون عليها....

(بياكلوا إيه ...؟ ديناصورات ..؟..).. سأل نفسه ... ثم جذب
انتباهه الصراع الخاص بين الأختين (ماركا) و(حب) ...

جذب شعر

صراخ

غرس أسنان في الأذرع

وصراخ ..

لطم و صفع

ووو صراخ ..

سباب و شتم

ووو صراخ ..

كانت الساحة الصغيرة أشبه بموقع حربي صغير

ثم في يأسٍ شديدٍ أخفض رأسه ليتذكر جميع أحبته ..

أباه وأمه رحمهما الله ..

واستمرت المعجزة طويلاً .. لما يزيد عن النصف ساعة ... إلى أن
شعر الجميع بالإرهاك ... وأصبح العراك بطيئاً واهناً ... وارتمى
بعضهم على ظهورهم ... أما بلدوين وعضو فقد ظللاً يلهثان
ينظران إلى بعضهما بعضاً ...

إلا أن قال عضو: .. " مش هينفع اسبيك تفوز بالتضحية
.... مستحيل ده المجد اللي طول عمري بحلم بيه أنا أحق
... " ...

بلدوين .. " مسألة الحق دي ... مسألة نسبية ... وجهات نظر
فيه كتير شايفين إنك ماتستحقش أنا مثلاً شايف إنك
ماينفعش تبقى مسؤول عن حياة كلب من كلابي ... "
عضو محاولاً النهوض ... " المهم إنى هنول الشرف ده وأنا
اللي هديح سيكرد " ...

بلدوين ينهض هو الآخر ... " هنشوف .. " ...
ثم يشهرا سيفيهما على مرأى أعين أتباعهما المنهكين وعيني عماد ...
الذي فقد الشعور بيديه من البرد ... وأصبح يتمنى أن يقتلوه
بسرعة فجسده النصف عارٍ لم يعد يحتمل هواء المقطم العنيف
....

■ ■ أنا سيكرد

وما إن بدأ العملاقان في الهجوم حتى ...
(محدث يتحرك كله يثبت مطرحة ... اللي هيتحرك هنضرب
في المليون ...).....
وهذا كان صوت الشرطة التي حاصرت هذه البقعة
والتي دخلت المكان بجنودها لتسيطر على الموجودين ليظهر
بينهم لؤي رابطاً رأسه .. والذي جرى ناحية (عماد) ليحتضنه
ويحاول إيقافه على قدميه
وقبل أن يغيب عماد عن وعيه تخرج هذه الكلمات من فمه .. " لؤي
.... إنت ... إنت عايش ... طب كو ... كويس ... ".....
قالها وأظلمت عيناه ...

كما يقولها الإخوة الأمريكيون Blacked out



(٢٢) النهاية

ظلامااام ... ظلام تام ...

Everything is black

تظهر دائرة صغيرة من بعيد ... دائرة ضوء صغيرة بدأت في
الاستطالة ... لتتخذ شكلاً آدمياً ...

رجل .. رجل عملاق شديد الهيبة ... طويل اللحية

يفتح فمه ليتكلم .. (ازيك يا عماد ... عامل إيه دلوقتي ...؟...؟...)
عماد يشعر بوجوده المادي في هذا المكان المظلم لأول مرة ينظر
إلى العملاق ذو اللحية ...

(إنت مين ..؟؟؟ أنا فين ؟؟؟؟ هو أنا مت ؟؟؟؟) ...

العملاق يتسهم لتظهر أسنانه البيضاء .. (أنا هالفارد ... أو حارس
الصخرة ... أو أبو العمالقة اختار الاسم اللي يعجبك .. ده بالنسبة
للسؤال الأول .. أما السؤال الثاني فأنت عندي في بيتي ... مالوش
مكان معين .. في عقلك ... في اللاوعي عندك ... المهم إننا شايفين
وفاهمين بعض السؤال الثالث بقى ... لأ .. إنت لسة مامتش
...(...)

■ ■ أنا سيكرد

عماد ينظر إلى هالفارد محاولاً فهم وابتلاع ما قيل له ... هو يشعر بهدوء فكري كبير لم يشعر به منذ فترة ... منذ أن قابل حيدر أول مرة ثم قال ..

(طب إنت عايز إيه مني ..؟!) ...

هالفارد (أنا جاي أفيدك ... أكيد إنت محتاج تفهم ليه إنت بالذات اللي حصلك ده كله ...) ...

عماد ... (تمام ... بالظبط أنا عايز حد يفهمني ...) ...

هالفارد يجلس على كرسي صخري كبير ظهر فجأة وسط الظلام قائلاً (بص يا عماد باختصار كان فيه قبيلة أهلها متخلفين وعندهم معتقدات بدائية متخلفة ... ومن ضمن المعتقدات دي التضحية بشخص في وقت معين ... عشان ينالوا رضا معبودهم أودين ... اللي عايش في يغدراسيل وكل ده هري طبعاً ... وفي مرة حصل إنهم فشلوا في التضحية ... ودي مصيبة ... فاستعانوا بيا ... فألقيت عليهم تعويذة إنهم يناموا ١٤٠٠ سنة ... ولما رجعوا ماكنوش عارفين إنهم هينقسموا فريقين ... زي أنا ماكنت عايز ...) يصمت لثواني .. فيسأله عماد ..

(والفريقين دول بتوع بلدوين و عوض ... تمام ... وإنت كنت
عايزهم يتقسموا للفريقين ليه بقى ...؟؟؟)..
هالفارد ..(.. أنا هالفارد ... حارس الصخرة ... والأخير من
نوعي ... محتاج وريث ... محتاج خلف ليا ... حارس صخرة
جديد ... هورثه علمي وهورثه سحري... والشخص ده
لازم يكون له علامات معينة ... كلها موجودة فيك ...)..
عماد ..(.. يا سلام ... يعني البهدلة اللي أنا اتبهدلتها اليومين اللي
فاتوا دول ... عشان حضرتك فاكربي وريثك ...؟؟؟.. طب ما
كنت تتواصل معايا على طول يعني ... لزمته إيه كانوا يخطفونى ..
يكتفوني وقلة القيمة دي مش فاهم أنا ...)..
هالفارد ... (عماد ... أنا إمكانياتي المادية محدودة ... ماقدرش كنت
آجي لغاية عندك كنت محتاج لأتباع ... وأتباع سهل السيطرة
عليهم .. أغبياء مغرورين .. زي بلدوين و عوض .. يظهروا لما
تكون جاهز ... يتواصلوا معاك ... يوصلوك .. وبالتالي أنا
أوصلك .. بس الحقيقة ... ماعملتش حساب العنف اللي إنت
اتعرضته ده كله ... أنا كنت مخطط إنى أتدخل في الوقت المناسب
... وفعلاً دليت صاحبك لؤي من غير ما يشعر على مكانك في

هالفارد .. (ماتشغلش بالك ... أنا هعرف أجيبك أنا دلوقتي
عايزك تقوم نبيلة قلقانة عليك ...) قالها وبدا في الابتعاد ...
عماد .. (نبيلة؟؟؟) ...

فجأة أصبح المكان مظلم مرةً أخرى فحاول أن يفتح فمه
ليتكلم مرةً أخرى ... فلم يجد صوتاً يخرج منه ... حاول مرةً
أخرى ... لا نتيجة .. يتبدل المكان ليصبح مليئاً بألوان متداخلة
وتتسلل لأذنيه العديد من الأصوات المتداخلة التي يميز بعضها
....

يشعر بالعطش ... العطش الشديد ...

(أهو يفوق أهو ... حد ينده الدكتور)

(عماد ... عماد ... إنت سامعني ..)

(وسعوا يا جماعة بعد إذنكم ... أستاذ عماد ... حضرتك سامعني
..)

يفتح عماد عينيه بصعوبة ... ثم بلسانٍ بطيء يقول: (هالفارد
.... هالفارد ..) ...

الطيب .. " أستاذ عماد ... حضرتك سامعني؟؟؟ " ..

■ ■ أنا سيكرد

يفيق عماد ... ينظر لمن حوله ... سيد ... سامي ... نبيلة ... لؤي ...

وهو نائم على فراش صغير ... بمستشفى ما ... والطبيب يمسك
بكشاف صغير موجه لعينه ... ثم يستدير للموجودين قائلاً
" هو كويس الحمد لله يا جماعة شوية وسيبوه يرتاح عشان
جسمه يسترد قوته ... وبالليل إن شاء الله هشوفه تاني ..."
سيد .. " حمد لله على السلامة يا عمدة ... إيه يا عم ... عملوا فيك
إيه ..؟ .."
...

عماد .. " هو إيه اللي حصل ... أنا جيت هنا ازاي ..؟ .."
لؤي .. " بعد ما حصل الهجوم على القسم صدرت لنا أوامر
بمطاردة المجموعة دي وفضلنا وراهم لغاية مالقيناك مربوط
وهما نازلين قتل في بعض ..."
...

عماد ... " أنا بقالي قد إيه هنا ...؟؟ .."
سامي .. " ده تاني يوم النهاردة ..."
عماد .. " إيه ده ؟؟ . والي كانوا خاطفني .. سابوني كده ..؟ .."
لؤي ... " ماتوا كلهم ..."
عماد .. " إيه ده ؟؟ ... قتلتهم ...؟؟ .."
...

لؤي .. " .. لا .. مش احنا ... هم ماتوا لوحدهم ... فجأة أول ما
إنت أُغمى عليك ... كله وقع ومات ... من غير لا صوت ... ولا
أي حاجة ... ودلوقتي كلهم عند الطبيب الشرعي ... بيحاول
يحدد سبب الوفاة .. " ..

صمت الجميع مفكرين فيما سمعوه حتى قالت نبيلة .. " المهم إننا
اتطمنا عليك يا عماد حاول بقى تخلي بالك من نفسك ... " ..
نظر إليها كم هي جميلة اليوم ... رقيقة .. لماذا لم يفكر في
الزواج بها حتى الآن ؟؟؟؟ ياله من جبان ..!!!!

عماد .. " نبيلة ... ليه تاعبة نفسك ..؟؟ .. أنا هبقى كويس إن شاء
الله .. " ..

سيد .. " .. دي هنا من أول امبارح ... بايئة جنبك ... والله جدعة
البت نبيلة " ..

عماد ينظر إليها طويلاً .. نبيلة تخفض وجهها في خجل لينقذها
سامي ويقول .. " قشطة يا عمدة قوم إنت بقى عشان تحكيلنا
الي حصل بالتفصيل ... ههههههههه أنا سمعت إنهم كانوا
معلقينك زي الفرخة نياهاهاهاهاهاهاها كانوا عايزين إيه
دول ؟؟؟؟ .. "

■ ■ أنا سيكرد

وكزه لؤي في جانبه ... فنظر إليه سامي " إيه ياعم فيه إيه
...؟؟؟..."

فأشار لؤي إلى نبيلة بما يعني (فيه بنات معانا)..

فقال سامي ... " آآاه لمؤاخذة طب هنتأذن احنا بقى
.... عشان ... هيهيهيهيهيهي .. كده يعني .."....

فبدأ الجميع في الخروج .. إلا نبيلة التي استوقفها عماد وقال ..."
نبيلة....."

نبيلة .. " نعم يا عماد ..."

عماد ... " إنتي مرتبطة ..؟؟؟..." ..



(٢٣) تكملة النهاية ... معلىش !!!

بعيداً....أعلى سفح جبل جيردا ... وبداخل كهفه المخفي عن
أعين البشر

يجلس هالفارد العملاق ... الأخير من نوعه ... على عرشه
الصخري.....

لا يتحرك من مكانه إلا قليلاً مراقباً لعماد ... وريثه .. العريس
الجديد

زائراً له أحياناً في أحلامه ليحاوره ويجادله

ومتابعاً في فرح ورضا ترتيبات سفره لقضاء شهر عسله
في النرويج

(تمت بحمد الله)

خالد احمد مصور ،،،